

**Awe sentencia
di cay pa
homber Haitiano
sospecha di a
viola mucha
muhe di 15 año**

Ombudsman di Aruba a participa den IOI Board of Directors Meeting 2026 na Corsou



ORANJESTAD (AAN): Ombudsman di Aruba, mr. señora Jurima Bryson a participa den e International Ombudsman Institute (IOI) Board of Directors Meeting cu a tuma luga na Corsou for di 10 te cu 13 di mei 2026. Durante e reunion internacional aki, Ombudsmannan di diferente pais a reuni na Corsou pa discuti desaroyo actual, colaboracion y futuro di institutonan di Ombudsman na nivel mundial.

E bishita di trabao aki a cuminsa cu un reunion informal unda participante di diferente paisnan a haya oportunidad pa intercambia experiencia y fortalece contactonan internacional.

Durante e reunion oficial di IOI Board of Directors, diferente tema importante a wordo trata, incluyendo asunto financiero, colaboracion internacional, digitalisacion, uso di AI y fortalecimiento di institutonan di Ombudsman mundialmente. Tambe ta tin votacion pa tuma decision tocante e puntonan cu a trata den e reunion.

Participacion den e reunion aki a duna Ombudsman di Aruba e oportunidad pa participa den discusionnan y decisionnan riba tarima internacional, intercambia experiencia y best practices, y representa e interesnan di pueblo di Aruba dentro di e red internacional di Ombudsman.

Señora Bryson den su rol di Director Regional di IOI a participa tambe den e reunion di region di Caribe y Latino America. Durante e reunion aki, a papia, entre otro, tocante colaboracion regional, training, subsidionan y sosten pa institutonan di Ombudsman mas chikito den e region.

Señora Bryson kier felicita Ombudsman di Corsou, sr. Keursly Concincion y su team pa un reunion internacional exitoso. E reunion internacional di IOI a trece informacion valioso tocante desaroyonan internacional y metodonan inovativo den e institutonan di Ombudsman, cu por contribui na fortalecimiento di servicio y colaboracion den region.

Rino Hermans di CMO:

Aruba lo enfrenta temporada di calor excesivo mientras cu preparacion pa huracan ta continua

A comparti un monton di detaye hunto

Plataforma PEL a tene reunion cu varios scol y companianan tecnico



ORANJESTAD (AAN): Recientemente Plataforma Educacion y Labor (PEL) a tene un exitoso reunion di sector tecnico.

Na e reunion aki, a trece hunto varios scol y compania tecnico pa un dialogo constructivo, e colaboracion y compromisonan comparti den direccion di educacion.

Plataforma PEL ta gradici ProTec Mechanical Contractors Aruba pa a invita nan tene e reunion den nan sala grandi, pa ofrece un presentacion hopi interesante riba e F-gasses, e trabao cu nan ta haci den e sector, y nan vision pa e futuro di programanan di sector tecnico. Nan presentacion ta habri e porta pa discusionnan balioso



y a ofrece perspectivanan importante riba e desaroyo di educacion tecnico y a necesidad di mercado laboral.

Hunto cu otro companianan tecnico presente, un monton di informacion a wordo comparti, y a intercambia varios comentario y a discuti plannan concreto di accion pa fortalece e conexion entre educacion y e sector tecnico.

Esnan cu a atende a mira di cerca e energia y balor di e discusionnan den e reunion. E bon noticia ta cu e colaboracion aki lo sigui.

Plataforma PEL lo bay sigui organiza reunionnan di sector pa reforza alianza, comparti conocimiento, y avanza hunto. Asina hunto lo sigui construi un educacion mas solido y un fuerza laboral tecnico mas fuerte.

Director di Meteo, Dave Barkmeyer:

Un concentracion significante di stof di Sahara ta biniendo Aruba e siguiente tres pa cuater dia

ORANJESTAD (AAN)

Den entrevista cu señor Dave Barkmeyer, director di Servicio Meteorologico di Aruba, a splica cu e no kier papa di “ola di calor” (heat wave) e momentonan aki, pasobra esaki ta mara na cierto condicionnan, un di nan ta, cu ta spera cu e calor lo mantene na temperaturanan mas halto cu normal, y e por bira un ola di calor, si.

Esaki ta wordo sinti den diferente pais, pero, segun señor Barkmeyer, e asunto ta cu nan tin diferente regla pa lora ta ‘heat wave’, entre otro, pero Aruba tin e diferente cu nan.

“Nos ta un isla cu ta depende hopi di e biento cu ta supla, anto plus lama rond di nos.

Mi no por bisa cu nos tin ‘heat wave’ pasobra e temperatura no ta subi na 33 of 34 grado, normal nos tin 32 grado, tin biaha 33 grado. Esey ta e temperatura normal, mi no ta papiando di e temperatura cu bo ta sinti, pasobra esey ta depende di unda bo ta. Bo por ta den sombra, of den un caminda cu bo ta haya hopi radia-



cion”, Barkmeyer a indica.

El a agrega cu tin hende ta bisa cu e stof di Sahara tin di haber cu e biento persistentemente duro, cu ta stop di para. Y aworaki el a bolbe incrementa, y e proximo tres pa cuater dia, sigur Aruba lo haya un concentracion significante di stof di Sahara biniendo. Ya e prome parti a yega nos, pero falta un par di dia p’e pasa”, director di Meteo a comenta.

Barkmeyer ta recomenta pa nos ciudadanonan keda informa riba e pronostico-




nan di tur dia cu Meteo ta publica cu ta mas facil y dos bez pa dia.

“Si tin algun cos straño e ta wordo publica direct riba dje, pero purba tene bo mes na haltura di e clima. Un horcan no ta bin di un dia pa otro. Tin e fasenan di forma-

cion y desaroyo, y di mes bo ta haya sa kico ta kico. Si tin algun peligro pa e area nos lo anuncia di mes. Nos ta traha semper den combinacion di Rampenbureau”, señor Barkmeyer a indica. El a agrega cu e biento duro y e presion ambiental ta pone

cu lama ta bira bruto, principalmente e partinan expone, no na parti noord so, pero e parti zuid tambe. “Mi ta pidi pa hendenan tene cuenta cu ne, principalmente awo cu e epoca di horcan ta bay drenta”, director di Meteo Dave Barkmeyer a relata.

Polis a descubri 13 chauffeur burachi durante control riba trafico



ORANJESTAD (AAN): Dia-domingo 24 di mei 2026 den oranan di madrugada polis di Santa Cruz a tene un control di trafico dirigi riba maneha bao di influencia di alcohol.

Polis di Santa Cruz a tene e control na diferente puntonan strategico y a controla

varios auto.

Na final a detene 13 chauffeur pa maneha bao influencia di alcohol. Tambe a duna 14 boet pa no tin un rijbewijs valido, no tin keuringskaart valido y falta pago di impuesto di vehiculo di motor.

Polis lo sigui haci su controlnan den trafico y ta haci un apelacion na tur automobilista pa tin tur e documentonan di vehiculo di motor na ordo y cubo.

Cuerpo Policial Aruba ta keda recorda cada automobilista pa baha bo velocidad, bisti bo safety-belt y pone bo celular un banda. Si bo ta bebe no stuur. Percura pa bo tin bo amigo responsabel.

Un trafico sigur ta responsabilidad di nos tur.

The Aruba Ports Authority N.V. is publicly tendering: Rehabilitation and Structural Repair of the "Vis" Pier - Port of Barcadera. According to the tender document: CAPEX PROJECT APA-PFAU-13B-25

Short Project Description

The project consists of the following activities:

The rehabilitation and structural repair of the "Vis" Pier located at the Port of Barcadera. The principal objective is to restore the structural integrity and operational functionality of the pier, with specific focus on the inspection, repair, and protective treatment of the supporting steel infrastructure and associated structural elements.

The project shall include, but is not limited to, the following main activities:

- Mechanical scrapping and abrasive blasting (sandblasting) of all supporting steel beams beneath the pier.
- Repair or full replacement of structurally compromised or excessively corroded steel beams.
- Immediate application of rust-inhibitive primer following sandblasting.
- Application of intermediate and final protective coating.
- Replacement of bolts securing mooring cleats to the deck structure.

The tender documents will be available from **June 01, 2026, up to June 04, 2026**, at the main office of the Aruba Ports Authority N.V. or via E-mail against a payment of **Afl. 250.00**.

The request for the tender document must include proof transfer in requesting email. Note that the cut-off time for receipt of request and proof of transfer is **June 04, 2026, at 4:00 pm local time**.

Bank Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 77000000305549428

Description: TOR project nr. APA - PFAU -13B -25

For additional details of this tender, visit

<https://www.arubaports.com/main/rehabilitation-and-structural-repair-of-the-%E2%80%B3vis%E2%80%B3-pier-port-of-barcadera-opex-project-apa-pfau-13b-25/> or scan this QR code.



Rino Hermans di CMO:

Aruba lo enfrenta temporada di calor excesivo mientras cu preparacion pa horcan ta continua

ORANJESTAD (AAN): Aruba lo ta enfrentando un temporada di calor excesivo den e lunanan benidero. Segun Director di Crisis Management Office (CMO) Aruba, señor Rino Hermans, e isla ta den un aña particular mientras cu temporada di horcan oficialmente lo cuminsa otro siman.

Hermans a splica cu e efecto di El Niño, cu ta fuerte den region atlantico, ta hungando un rol importante den e condicionnan climatologico actual. Segun e, e sistema di presion halto ta causando mas bi-ento durante e temporada aki. Debi na e calor excesivo, tanto Departamento di Salud Publico (DVG)

como CMO lo ta enfoca riba promocion di salud general y conscientisacion di comunidad. Hermans a indica cu pueblo lo keda informa regularmente tocante recomendacionnan preventivo. Pa cuminsa, el ta aconseha comunidad pa bebe hopi awa y mantene cas y camber climatisa, specialmente pa nos hendenan grandi y personanan cu ta inmoebel, pa asina nan por permanece den un ambiente agradabel y sigur durante e periodo di calor excesivo.

En cuanto proteccion di muchanan, Hermans a agrega cu informacion y conscientisacion ya a wordo comparti cu tur scol na Aruba. El a enfatisa cu



mayoria scol na Aruba ta climatisa y cu muchanan generalmente tin un resistencia mas halto contra calor cu aduhtonan mayor. CMO tambe ta sigui cu preparacionnan pa temporada di horcan. Segun Hermans,

ya a haci revision di rooinan y otro infrastructuranan importante, y preparacionnan necesario lo continua durante e periodo aki. Segun e, eña aki no ta premira cu lo bay tin hopi actividad atlantico, pero no

mester tin hopi tormenta pa causa daño. Un evento fuerte ta basta pa afecta y destrui economia.

El a enfatisa cu comunidad mester kita e mito cu Aruba ta completamente pafó di e "hurricane belt". Segun Hermans, Aruba no ta den e zona cu cada aña ta haya impacto directo di horcan, pero historicamente, mas o menos cada 10 pa 12 aña, e isla ta enfrenta awacero excesivo cu ta causa inundacion serio. "CMO ta sigui cu nos plan di preparacion. Nos a reuni durante varios luna cu tur departamento responsabel y nos conoce e capacidad di Aruba pa responde na cualkier eventualidad di awacero excesivo," Hermans a conclui.

Fiscal a exige 4 aña y 6 luna di prizon

Awe sentencia di cay pa homber Haitiano sospecha di a viola mucha muhe di 15 aña



ORANJESTAD (AAN): E homber Haitiano biba na Aruba, S.J.S. di 32 aña, kende ta wordo acusa di a droga y viola un mucha muhe di 15 aña, awe Diabierna mainta lo presenta dilanti Hues pa scucha su sentencia.

Violacion di Mucha: Tres siman pasa tratamento di e caso a tuma lugar caminda S.J.S. ta wordo acusa cu el a droga y viola un mucha muhe M. menor di edad, esta 15 aña y a haci actonan inmorales cu M. Esaki a sosode dia 27 Februari 2025. Hues a puntra S. kico a sosode. Segun acusado S.J.S., e dia ey el a conoce un otro homber S. y e victima M. El a pidi e homber S. pa e username di Instagram

di M. El a bisa cu e homber S. y e victima M. a huma marihuana na beach. Hues a interumpi acusado S.J.S. den su declaracion y a puntra, si S. tabatin relacion sexual cu e mucha M. Segun S.J.S., el a baha e homber S. na cas y el a hiba M. El a bisa cu e mucha M. a bisa cu e no kier bay cas e ora ey ainda. Nan a bay beach bek y a tene relacion. Segun acusado S.J.S., e no a forza e menor di edad M. haci nada. El a bisa cu ta e mucha M. mes a haci movecion pa tin relacion sexual. Segun S., e mucha M. a cuminsa yora y a bisa S. cu den pasado el a wordo abusa di un otro homber. Segun S., el a bisa M. pa bisa su mama of

yama Polis pa e caso aya. M. a bisa cu e no a bisa su mama. Despues di tabatin relacion sexual, el a hiba M. su cas.

Sospechoso ta troce e berdad: Hues a remarca cu ta hopi straño cu acusado S.J.S. ta bisa algo y e victima M. ta bisa otro cos. Segun S.J.S. loke M. a bisa no ta berdad. El a para riba cu tur cos a sosode voluntario. Hues a puntra acusado S. pakico e tabata kier e Instagram di M. Hues tabata haci preguntanan skerp na S. entre otro si e tabata haya M. bunita y si e tabata kier tin relacion cune.

Ta asina cu acusado S.J.S. a bisa cu ta e otro homber S. tabata kier a bay beach. Hues a remarca cu e homber S. no kier bisa nada. Hues a muestra cu e otro homber S. a bisa cu e tabata intermedia entre acusado S.J.S. y victima M. Hues a sigui bisa cu e otro homber S. a declara cu el a bisa acusado S.J.S. cu M. tin apenas 15 aña. Apesar di esey, S.J.S. lo a insisti. Hues a muestra cu S.J.S. lo a manda mensahe pa M. cu e por ta un secreto entre nan dos. Na opinion di Hues, tur esaki ta muestra cu S.J.S. tabata kier

tin relacion cu M. Segun acusado S.J.S., e no tabata kier tin relacion cu M. Hues a remarca cu ora M. a brasa S.J.S., cu e acusado no a bisa cu "no", sino a tene relacion cu e menor di edad M. Hues a bisa cu e otro homber S. a bisa cu el a ripara cu S.J.S. tabata kier tin algo cu M. Ora el a baha na su cas, e tabata duna M. señal pa baha cun'e pero M. a keda den e auto. Mas o menos 12'or di anochi, e otro homber S. a yama M. y a scucha M. ta yora. E ora ey M. a bis'e cu S.J.S. tabata kier penetr'e cu su dede. E otro homber S. tabatin mal pensamiento cu esaki. Despues ta resulta cu M. a bay ImSan y bisa cu el a wordo viola.

Exigi 4½ aña di prizon: Fiscal a bisa Hues cu M. a bisa cu e homber S. tabata dun'e bebida alcoholico cada rato. Despues ora a baha e otro homber S. na cas, S.J.S. a sigui dun'e bebida y el a haya un blackout. Ora el a spierta e tabata den un apartamento y a sinti dolor pasobra S.J.S. tabata penetr'e cu su dede.

Segun M., el a lucha contra S.J.S. y a sufrí un herida na su pia. Fiscal ta haya e de-

claracion di M. confiabel. El a bisa Hues cu S.J.S. a admiti di tabatin relacion sexual cu M. Fiscal a muestra cu e otro homber S. a bisa cu ta S.J.S. a cumpra un boter di bebida fuerte pa nan bebe. Fiscal ta haya cu tin suficiente prueba di sosten. El a muestra tambe cu na ImSan a haci investigacion cu ta muestra cu M. a wordo viola. Fiscal a muestra cu S.J.S. mes a bisa cu ora e tabatin relacion cu M., cu e victima a cuminsa yora. Fiscal ta haya acusado S.J.S. culpabel di violacion y actonan inmorales. E ta haya cu S.J.S. a droga M. pa asina abusa di dje. Fiscal a remarca cu apesar cu e otro homber S. a adverti e acusado S.J.S. cu e victima M. ta menor di edad y tin 15 aña, toch S.J.S. a planea pa duna M. bebida pa asina abusa di dje. Fiscal ta haya cu S.J.S. a tacha e integridad di M. Asina Fiscal a exige 54 luna (4 aña y 6 luna) di prizon di cual 6 luna ta condicional cu 3 aña di prueba. Awe Diabierna mainta Hues ta dicta sentencia y DIARIO lo informa lectionan, kico ta e decision di Hues.

AWA

MINI MEGA

MEGA PLUS

Awo cu 2 florin mas, bo por gana e

***Afl. 380.000,-**

***Afl. 280.000,- + Afl. 100.000,- extra**

MEGA PLUS

HUNGA AWO

Benta ta sera 7:30 pm y sorteo ta hunga 7:45 pm

f

X

ig

yt

lo

Reino ta fortalece door di dialogo y encuentro entre Aruba y Hulanda

Thom van Campen ta destaca importancia di mantene contacto regular y vision comparti pa futuro di Reino



ORANJESTAD (AAN): Durante su bishita oficial na Den Haag, Prome Minister mr. Mike Eman a reuni cu presidente di Tweede Kamer der Staten-Generaal, Thom van Campen (VVD). Durante e

encuentro, ambos lidernan a dialoga riba e relacionnan historico dentro di Reino Hulandes y e oportunidadnan pa sigui fortalece cooperacion den diferente area strategico.

Van Campen a expresa cu

tabata “un placer y honor” pa ricibi e Prome Minister di Aruba den Tweede Kamer, reconociendo e agenda amplio y intenso cu e delegacion di Aruba tin durante nan estadia na Hulanda. Segun e voorzitter, e encuentro a enfoca no solamente riba e relacion historico entre Aruba y Hulanda, sino tambe riba e posibilidadnan pa futuro den area manera cultura, naturalesa y desaroyo economico.

Durante e bishita, Van Campen a enfatisa cu ta importante pa tur paisnan dentro di Reino continua fortalece e sentido di cooperacion y conexcion mutuo. Segun Van Campen, Aruba y Hulanda ta comparti un futuro comun dentro di Reino y dialogo habri ta esencial pa



Diadomingo awor tin Rough Hike den Parke Arikok

ORANJESTAD (AAN): Diadomingo awor lo tin e tan gusta ‘Rough Hike’ pa esnan cu ta gusta cana den naturalesa, den parti dificil di e Parke.

Un chens unico pa bo bay experiencia naturalesa di e isla pa 2 ora y mey largo den oranan di mainta, y mira e bunitesa natural fo’i un otro perspectiva.

E caminata aki di mainta lo sali for di Centro di Bishitante di Parke Nacional Arikok, y e hike aki lo hiba hendenan cu ta gusta cana y cu ta goza di naturaleza riba un caminda cu ta pasa door di Cunucu Arikok, Shete, Rooi Fluit, Moro, Daimari, y regresa Centro di Bishitante.

Rough Hike aki lo ta Diadomingo 31 di Mei 2026, for di 6:00 am te cu 8:30 am. E distancia lo bay ta 7,0 kilo-



meter. Nan ta pidi tur hende pa bay cu bon zapato y suficiente awa.

Pa bo participa, bo tin di inscribi y registra di antemano! Corda cu cupo ta limita: Haci esaki na e website: acf.aw/experiences

Prepara pa bo aprecia e bunitesa di naturalesa den un forma respetuoso y conciente. Lo bo tin di paga pa participa, y esey ta inclui un pasaboca chikito y algo pa

refresca. Nan ta ricibi pago na Centro di Bishitante Parke Arikok despues di e caminata, y e suma ta basa riba diferente factor, y esaki por lesa riba e website.

Tuma nota cu e caminata aki ta pa esnan di edad 10 aña bay ariba, y tanten cu bo ta confortabel cu e distancia, subida, y cu bo por mantene paso cu e grupo. Corda cu bo tin di subi basta subida den e caminata aki.

mantene e relacionnan fuerte. E presidente di Tweede Kamer a expresa tambe aprecio p’e forma cu Prome Minister Mike Eman ta representa Aruba y Reino den Hulanda, incluyendo su presencia den diferente media Hulandes pa splica con e diferente paisnan dentro di Reino ta conecta entre nan y kico ta e vision

comparti pa futuro.

Como gesto simbolico di aprecio y amistad, Prome Minister Mike Eman a entrega un regalo n’e presidente di Tweede Kamer e buki Volk van Veerkracht, un publicacion cu ta relata e historia, resiliencia y identidad di pueblo Arubano dentro di Reino Hulandes.

Bij beschikking van 16 januari 2026 heeft het Gerecht in Eerste Aanleg van Aruba het faillissement van de eenmanszaak Diana Catharina Cecilia Amata CROES, h.o.d.n. LACES CONSTRUCTION, te Aruba, opgeheven wegens gebrek aan baten.

Hoogachtend,

REP LAWYERS
G.W. Rep, curator

2
REP LAWYERS

Weekly SPECIALS

29 MAY - 4 JUNE '26



Each
f6.59
Normal Price

Each
f5.99
Special Price

PINEAPPLE FRESH



Per BAG
f6.99
Normal Price

Per BAG
f5.99
Special Price

**POTATOES IDAHO 5LBS
(BAKE POTATO)**



Each
f14.99
Normal Price

Each
f13.99
Special Price

**WATERMELON
SEEDLESS**



Each
f12.99
Normal Price

Each
f8.49
Special Price

**DR OETKER CASA DI MAMA
SPECIALE 415G**



Each
f36.99
Normal Price

Each
f29.99
Special Price

**NICKERSON SALTED COD
FILLET 16OZ**



Each
f21.29
Normal Price

Each
f19.29
Special Price

**BABYBEL MINI LIGHT
SEMISOFT CHEESE 12CT 8.5OZ**



Per KG
f67.99
Normal Price

Per KG
f56.99
Special Price

**BLACK ANGUS TOP BLADE/MARUCHA
BRAZIL**



Per KG
f19.99
Normal Price

Per KG
f15.99
Special Price

**U.S. PORK CUTLET ZIGEUNER
BREADED**



Per KG
f17.49
Normal Price


Per KG
f13.49
Special Price

CHICKEN SPANISH STOBA

*Promocion ta valido desde 29 di mei pa 04 di juni 2026 y tanten cu tin den stock.

**SUPER
Do it Center**

Gerlien Croes como Minister di Educacion a continua cu su bishita na scolnan na Paradera y Ayo



ORANJESTAD (AAN): Recientemente Minister di Educacion, señora mr. Gerlien Croes a continua cu su serie di bishitan na scolnan, cu e meta pa papia cu educadornan, mira e facilidadnan di scol y mantene contacto

directo cu alumnonan y personal di cada scol.

E bishitannan ta forma parti di un ronda pa fortalece e relacion entre gobierno y sector educativo, y pa haya un bista real di loke ta pasando den e veld educativo tur dia.

Recientemente, Minister Gerlien Croes a bishita Ayo Kleuterschool, Maria Goretti Dependence, Maria Goretti College y Scol Preparatorio Nos Paraiso na Paradera. Den tur e scolnan aki, e Minister a wordo ricibi cu energia posi-



tivo y entusiasmo, reflehando e compromiso di tur esnan involucra cu desaroyo di nos muchanan.

Durante e bishitannan, Minister Gerlien Croes a tuma nota cu gran aprecio di e dedicacion di educadornan y personal di scol, kende diariamente ta traha pa crea un ambiente di siñamento sano, inclusivo y estimulante pa nos muchanan.

Ministerio di Educacion ta reafirma su compromiso pa sigui traha man den man cu scolnan pa contesta nan necesidadnan y fortalece calidad di enseñansa na tur nivel.

Cu e bishitannan aki, gobierno ta continua na duna balor na dialogo directo y colaboracion cu e sector educativo, reconociendo cu e trabao di nos educadornan ta esencial pa construcion di un futuro fuerte pa Aruba.



AANKONDIGING

Zaaknummer: AUA202601759EJ

Bij exploit van 27 mei 2026 van de deurwaarder Bernard R. Roos, waarvan een afschrift is gelaten aan de directeur van de DWJZ op Aruba, die het origineel voor GEZIEN heeft getekend, is: EDWIN ALBERTO CARRASQUILLA ARRIETA; zonder bekende woon- en/of verblijfplaats op Aruba of elders, OPGEROEPEN: om op VRIJDAG, TWAALF (12) JUNI 2026 des voormiddags om 09:30 uur; ter terechtzitting van het Gerecht in Eerste Aanleg van Aruba, gevestigd aan de J.G. Emanstraat nr. 51 op Aruba, te verschijnen teneinde te worden gehoord op het door CALABAS HOTELS N.V. h.o.d.n. Riu Palace Antillas Aruba, gevestigd in Aruba, ingediende verzoekschrift;

De deurwaarder voornoemd,

Try It 2 Weeks FREE! For Free!

Get It Now, Pay Later!*

*Your first 2 weeks on a new rental agreement is free. Regular rental rates apply thereafter. This is a rent to own transaction. You don't own the product until all rental payments are completed. Example: 17.95afl pa siman x 12 luna= 933.40afl. See store for details.

NO CREDIT NEEDED **CUMANA 74 | 582-RENT** **DiL** **RENT TO OWN & RETAIL**

Dalgis Montalvo, Director:

Cu terapia ambulatorio Stichting Hunto a yuda grupo di Examen Klas di no perde scol

•*Docente y mayornan tambe a haya training tocante vape machine*

ORANJESTAD (AAN)- Dalgis Montalvo, director di Stichting HUNTO, den entrevista cu Matutino DIARIO, a sigui elabora tocante e uso di vapers bao hopi di nos hobennan.

Montalvo a reitera cu nan a haya diferente caso. Esaki ta casonan cu sea e docente mes a mande pa HUNTO of aki nan nan a tende cu tin muchanan a drenta hospital, y nan a bay wak con e situacion ta. Tin casonan di mucha cu den gang nan a bay uza esaki.

Dalgis Montalvo a referi tambe na un caso specifico, cu ta un grupo di alumno di Examen Klas cual en principio nan mester a wordo kita for di scol, mirando cu nan a

test positivo tambe.

“Kico nos a haci pa e muchanan aki no perde scol? E ora ey nos a sinta cu e docentenan di scol, y nos a bay over na duna e muchanan aki un trayecto ambulatorio cu psico-educacion, puntra nan kico nan ta usando, pakico nan a uza esaki, kico ta e efectonan di e substancia aki, y tambe nan a envolve e docentenan y e mayornan, cu tambe a haya un training tocante e uso di substancianan peligroso. Nos a cera un contract, eigenlijk pa e grupo aki, cual nos tin cu bisa cu a bay hopi bon, e muchanan por a caba nan scol tambe, nan por a presenta nan examen, y te ainda nan ta clean”, Dalgis

Montalvo a relata.

El a señala cu den e caso aki HUNTO a pone bek e muchanan riba e bon caminda, yuda nan pa bay scol bek, alerta scol y e mayornan, pasobra nan no tabata sa mes cu nan yiunan tabata uza substancia. “E guia, papia cu bo yiu, e confianza cu bo yiu, ta e partinan cu tambe nos ta mira cu ta cardinal tambe. E no ta solamente problematica di e mucha cu ta yega na uso di substancia, pero tambe kico tur tin rond di e mucha aki cu ta pon’e bay eynan”, Dalgis Montalvo a subraya.

Tin factornan manera e media, e trendnan, e kier ta tough, e kier haci algo otro, e kier ta bezig, pero no sana-



mente bezig. “Dus, tur esaki ta factornan cu nos ta mira cu den nos hubentud tin hopi necesidad, no ta solamente den e parti aki di vaping, pero kico ta pasando cu nos hobennan”, Dalgis Montalvo, director di Stichting HUNTO a remarca.

Segun Jessica Irausquin di SKOA:

Faltando menos di dos luna pa scol cera y 499 mucha ainda no a cumpli cu pago



ORANJESTAD (AAN): Tin 499 pago escolar habri y SKOA ta haci un yamada na mayornan pa cumpli cu e obligacion escolar di nan yiunan prome cu aña escolar caba.

Den un entrevista cu DIARIO, Hefe di Recurso Humano y Directora suplente di SKOA, señora Jessica Irausquin, a indica cu, considerando cu e situacion financiero na Aruba ta sigui ta un reto pa hopi familia, SKOA ta ofrece flexibilidad pa mayornan cu no por paga den un solo pago.

Segun señora Irausquin, mayornan cu tin dificultadnan

financiero of cu tin mas di dos yiu na scol, por haci peticion pa un areglo di pago. Esaki por haci personalmente na oficina di SKOA of por manda un email pa coordina un plan di pago den varios termino.

Señora Irausquin a agrega cu SKOA tin un departamento di cuido cu ta guia mayornan cu tin dificultadnan financiero pa busca apoyo na diferente instancia, manera Departamento di Asunto Social y diferente fundacionnan comunitario.

Segun el a splica, na final di aña escolar tur mucha lo ricibi nan rapport, sin importa si

pago escolar a wordo cumpli of no. Sinembargo, muchanan cu nan mayornan no a cumpli cu pago escolar lo ricibi un carta di retiro. Pa reinscribi e mucha pa e siguiente aña escolar, e mayor mester haci tur pago atrasa y e pago nobo.

SKOA ta recorda mayornan cu ultimo dia pa paga pa aña escolar 2025/2026 ta dia 3 di juli 2026. Ultimo dia di scol ta cay dia 14 di juli. Mayornan cu no por haci transferencia bancario, por haci pago directamente na oficina di SKOA riba diamars y diaranson, for di 8:00 di mainta pa

12:00 di merdia y di 2:00 pa 4:00 di atardi. Pa aña escolar nobo 2026/2027 cu ta cuminsa na augustus, ya desde 1 di mei mayornan por a cuminsa haci peticion pa areglo di pago. E costo anual pa scol ta: Kleuter: 250 Florin. Scol basico: 275 Florin. MAVO: 350 Florin. Riba e sumanan aki ta bin adicional 150 Florin pa aircor. E sumanan ta inclui actividadnan organiza pa scol, pero no ta inclui uniform ni material escolar. Mas informacion tocante pagonan y proceduranan por ser haya riba e paginan social oficial di SKOA.

#Desaroyo

Carta habri na pueblo di Aruba Ojo cu e asina yama 'Agri Innovation Park'

Skirbi pa: Rose Barros (Living Soil Aruba)

An Open Letter to the People of Aruba.

When did you last feel that your government was making decisions with you? Not for you. With you. Take your time with that question.

There is a plan being developed for the future of agriculture on this island. It is called the Agri Innovation Park. It has been presented as Aruba's answer to food security. A closed parliamentary session was held about it. The post announcing it was deleted within hours. The head of our own agricultural department was not in the room. Minister Wever does not respond to emails. There is no open process.

What there is, is a rumor. That the original intention was never to complement Santa Rosa - but to replace it. Glasshouses. A Centre of Excellence. Run by experts from abroad. Locals could participate. Under their conditions.

If this is true, it is not an agricultural decision. It is a statement about who this government believes is capable of determining Aruba's future. And the answer, apparently, is not us.

Santa Rosa is imperfect. I have shown up to work on that land and found employees asleep, hiding, unavailable. I say this not to attack anyone - I say it because I understand exactly why. Santa Rosa's dysfunction does not come from the people working there. It comes from decades of neglect, underfunding, and ministers who appoint leadership and then tie their hands. Nathalie Maduro has knowledge, vision, and plans. She also has a minister who does not listen. That is not her failure. That is the system working exactly as it was designed.

Santa Rosa represents decades of accumulated knowledge, relationships, and institutional memory. It belongs to this island and to its people. You do not replace that with glasshouses and foreign experts and call it food security.

The frustration has become so heavy that farmers who should be standing together are turning on each other. That is what prolonged exclusion does. It fractures communities. It turns potential collaborators into rivals. And a fractured community is far easier to ignore than a united one.

This is not just a farming problem. Food sovereignty is not just about what we eat. It is about who decides. It is about whether a person gets to determine the conditions of their own survival - or whether that too gets outsourced.

The land belongs to all of us. The knowledge belongs to all of us. The future of this island belongs to all of us.

Minister Wever - what is the actual plan? We are not asking for permission anymore. We are asking for accountability.

Rose Barros,
Fundador Living Soil Aruba
Syntropische Boslandbouw
& Ecologische Systemen - Aruba
livingsoilaruba@gmail.com



Segun Rudy Lampe di Partido RED: Bentaha di supervision financiero ta pa cuida nos florin

"Aruba como pais mester acepta cu autonomia tin su limitacionnan"

ORANJESAD (AAN): Rudy Lampe di Partido RED Democrático a duna di conoce cu e unico bentaha di supervision financiero ta pa cuida nos florin y no yega na situacionnan manera di Venezuela na unda mester devalua y pobreza lo bira generalisa. Den un entrevista cu DIARIO, señor Lampe a duna di conoce cu ya tin pobreza na Aruba, pero un supervision financiero lo evita cu esaki sigui crece.

Señor Lampe, a referi na e temporada cu e tabata Minister di Enseña, unda cu el a propone pa enseñansa bira un asunto di Reino. Segun e, por haci esaki cu husticia y infraestructura tambe. Esaki lo trece apoyo structural di presupuesto di Hulanda. Y Hulanda e ora lo pone placa pa enseñansa, husticia y infraestructura den e caso aki.

Pero, el a enfatisa, pa haci esaki, mester realmente yega na un acuerdo cu esakinan lo bira asunto di Reino y Aruba como pais mester acepta cu autonomia tin su limitacionnan. El a agrega cu nos no por keda defende autonomia mientras pueblo ta bayendo atras. El a enfatisa cu dado momento mester yega na un acuerdo mescos cu paisnan na Europa a haci pa defende e Euro.

"Asina aki tambe mi ta kere cu nos mester yega na un acuerdo pa bienestar di nos pueblo en general. Pasobra na final, e meta di politica y di tur cos ta pa nos pueblo tin un miho bienestar general", señor Lampe a enfatisa.

Señor Lampe ta invita pueblo di Aruba en general pa asisti na e charla di



Partido RED na unda señor Jayburtt Dijkhoff lo splica e pensamento aki y riba e topico completo di e ley di Reino HOFA. E charla lo tuma luga diasabra awo, 30 di mei, den sala di ATHA, Caya Appeldam 2 na Dakota for di 10 or di mainta pa 12 or di merdia. E charla lo ta gratis.

Segun director di HUNTO, Dalgis Montalvo:

Pa loke ta vaping ta importante tambe pa DVG activa e ley di tabaco



ORANJESTAD (AAN)- Director di Stichting HUNTO, señora Dalgis Montalvo, a splica den entrevista cu DIARIO, en conexion cu e tema di vaping y uso di otro substancianan peligroso, bao hopi di nos hobennan, cu tin otro problematica cu e Stichting ta mirando sosode.

HUNTO tambe ta bay haci algo pa e mucha y e hobennan, pa nan mes por vocifera kico ta nan necesidadnan, kico ta e cosnan cu nan ta hayando falta di dje.

"Pa nos di Stichting HUNTO, hopi biaha no ta solamente e parti di salud mental, of e aspecto di adiccion, sino cu ta algo completo.

Awendia, aki na Aruba, no tin un famia cu no a haya su mes den e problematica cu adiccion, of problema di salud mental. E t'asina cerca di nos tur, hasta personanan cu a yega tuma un decision final.

Pues, e ta algo cu ta concerni tur hende y p'esey pa nos ta importante cu no ta keda solamente na nos como organizacion pa haci algo na dje, pero tambe na instancianan. Pesey tambe riba e parti di vaping, pa nos ta importante pa a acerca DVG pa activa e ley di tabaco", Dalgis Montalvo a señala.



Curandero Spiritual Africano Mr RACHIM

Por yuda cu problemanan sentimental y di famia, hechizo di amor, trece bek amor, magia negra, malasuerte, bruheria y exito den negoshi pa mas informacion
<https://mediumrachim.com>

Trabao 100% GARANTIZA
També via whatsapp 297-7474049

Esnan di edad grandi no kier abandona nan Cuba stima

ORANJESTAD(AAN)-- Varios residente local, naci na Cuba, cu a emigra pa Aruba algun aña caba y ta biba contento di a establece akinan, unda ta biba dignamente y a lanta nan yiunan, sea cu a yega aki chikito, of sea cu a nace na Aruba, of cu nan mes tin origen Arubiano, sin cu nan conoce kico ta biba den un pais sin libertad, toch ta sufri pasobra nan ainda tin famia na Cuba, cu ta bibando den condicionnan deplorabel.

Un di e residentenan aki,

a comenta na nos mesa di redaccion, cu varios di nan cu tin mayornan aya, di edad avanza kier trece nan pa biba aki cerca nan, pasobra nan por sostene nan no solamente di forma material, pero tambe emocional y spiritual. No obstante, nan no kier sali for di Cuba, pasobra asina mes cu nan ta pasa den penuria, nan ta stima nan pais, nan tin nan cultura hopi hinc den nan adernan, y nan no ta mira nan mes biahando den avion pa yega biba den otro lugar.

“Ta teribel, nan ta keda 22 ora pa dia sin awa ni coriente. Esnan cu no tin famia den exterior cu por manda alimentonan pa nan, no tin cen pa come mes. No tin comunicacion telefonico cu nan famianan afo, cu excepcion di un par cu ta biba banda di un Misa, cu ta facilita nan un telefon pa comunica cu nan famia un rato mainta”, segun un persona cu su mama di edad grandi ta na Cuba. Tin varios persona Cubano na Aruba cu tin hopi siman sin por a co-

munica cu nan famia na Cuba, pasobra mayoria area aya, absolutamente no tin conexion, y tur dia nan ta biba cu stress pasobra nan no sa den ki situacion nan mayornan, y demas famia ta pasando aden. Varios di nan tambe tin raiznan Arubiano, sea di antepasadonan cu a sali di Aruba pa traha na Cuba, aya nan a keda, a casa y a procrea un famia, y algun a logra sali di Cuba y bin biba aki bek cu un of dos yiu.

E persona cu a expresa e sentimentonan comun,

cu nos mesa di redaccion, ta gradici Dios na prome lugar, y nos pais sigur, cu nan a haya acogida akinan, vooral den tempo cu e parti di imigracion no tabata un gran peso pa Aruba, y nan por a establece akinan como un famia mas, y a haci di Aruba nan pais. Pero e anhelo di trece, alomenos nan mayornan, no por wordo cumpli pasobra nan grandinan mes no kier sali di nan pais, no obstante e situacion inhumano den cual nan ta bibando.

Nacionnan Uni ta alerta:

Ola di calor di Europa ta “un recordatorio fuerte” di e efectonan di e crisis di clima

NEW YORK: E ola di calor intenso cu ta asota gran parti di e continente Europeo ta “un recordatorio fuerte di e creciente repercusionnan humano y economico di e crisis di clima,” Secretario Ejecutivo di Cambio di Clima di Nacionnan Uni, Simon Stiell, a expresa.

E culpabel principal, el a señala, “ta e adiccion mundial na kimamento di carbon, petroleo y gas y e destruccion di mondi.”

“Hopi otro parti di mundo tambe ta severamente afecta, manera India y otro regionnan di Asia. Ciencia ta mustra claramente cu cambio di clima causa pa hende ta haciendo e olanan di calor aki mas frecuente y extremo,” el a agrega. Segun e hefe di clima di Nacionnan Uni, e guerra den Medio Oriente “ta



resalta e costo halto di dependencia di importacion di combustibel fosil,” pero e solucion ta cla, el a señala: “un transicion mas rapido pa energia limpi, cu awor ta mas barata cu combustibel fosil y ta wordo produci mas lihe, haciendo esaki esencial pa gastonan mas abao di energia y e seguridad economico di nacionnan.”

Stiell a enfatisa au “proteha bida humano, negoshinan y economianan di calor extremo y e hopi otro gastonan creciente di cambio di clima ta un prioridad pa tur nacion, y e ta cuminsa cu aleha for di combustibelnan fosil mas lihe.”

E representante di Nacionnan Uni tambe a destaca e necesidad pa inverti mas placa den re-

siliencia contra impactonan di clima, “sea calor extremo, mega-inundacion, candela di mondi, of segura, cu tambe ta afecta produccion y prijs di cuminda.”

Espana, Portugal, Francia, Reino Uni, Belgica y Balkan ta algun di e zonanan na Europa cu ta registra temperaturanan tipico di juli desde fin di siman pasa y mester a emiti alerta di diferente grado pa avisa e poblacion di e efectonan di e ola di calor inusual aki.



Peticion pa aprobacion di un plan di parcelacion na Burubundu conforme art. 33 di e Ordenanza di desaroyo territorial (LRO). E concepto di e plan di parcelacion ta poni pa inspeccion publico na **DIP, Sabana Blanco 68**, cu reserva di tur derecho cu cambianan por wordo hasi na e parcelacion, durante un luna desde dia **29 mei 2026** durante oranan di trabao. Tambe e plan por wordo mira riba www.dip.aw. Interesadonan por entrega te cu un luna despues di e termino aki nan punto di bista por escrito tocante e concepto di e plan di parcelacion serca Ministro di Asuntonan General, Organizacion Gubernamental, Infraestructura i Planificacion Ambiental pa medio di e director di DIP.

CDA ta mira futuro positivo pa cooperacion den Reino

Henri Bontenbal ta destaca e balor di relacion fuerte entre Hulanda y Aruba

ORANJESTAD (AAN): Durante e bishita oficial di delegacion di Aruba na Den Haag, Prome Minister mr. Mike Eman a reuni cu lider di CDA, Henri Bontenbal, den Tweede Kamer der Staten-Generaal. Henri Bontenbal a cataloga e encuentro como un dialogo positivo entre “amigonan cristian-democrata”, unda a intercambia pensamento riba futuro di Reino Hulandes y e oportunidadnan cu cooperacion entre e diferente paisnan por ofrece.



Indicacion cu tin reclamo tur dia na Hulanda: Ainda nada a wordo resolvi cu e caso di Examen MAVO riba e materia Wiskunde

ORANJESTAD (AAN) -- Ainda na Hulanda no a defini e situacion di e studiantenan di nivel MAVO, cu no a logra pasa nan examen di wiskunde, cu nan a haye hopi dificil y hasta incomprendible. Aki na Aruba, consecuentemente, tin e mesun problema pa resolve, pero tampoco e studiantenan concerni no a scucha nada mas, ni sikiera scol ta na haltura kico ta bay sosode. Segun informacion cu a yega na mesa di redaccion ta un cantidad grandi di alumno na Hulanda ta pendiente y ta haci reclamo dia aden dia afo,

respalda pa nan docentenan tambe pa nan mayornan. Aki na Aruba, segun nos fuente, un grupo grandi di e studiantenan ki kier drenta Colegio EPI, pero e examen di Wiskunde aki ta loke ta stroba pa nan inscribi, pa sigui bay dilanti. Ainda e resultadonan no ta cla ni na Hulanda. Corda na Aruba, Curacao y demas Islanan Hulandes, cu tin e mesun sistema aki. Ohala, berdad nan stem wordo scucha, pasobra eigenlijk, tin indicacion cu e mayornan y podise e docentenan concerni ta dispuesto pa lanta un caso legal y yega te ultimo consecucionan.

Segun Bontenbal, ta importante pa no solamente mira e relacionnan den Reino for di problema of pasado, pero tambe for di e oportunidadnan pa futuro y e “win-win” cu por crea entre e diferente paisnan den Reino. Durante e reunion, a dialoga riba varios proyecto concreto, incluyendo e acuerdo reciente tocante cooperacion cu Wageningen University & Research

(WUR), e relacion strategico cu KLM y con pa sigui fortalece conexionnan entre Aruba y Hulanda. Segun Bontenbal, e encuentro a duna idea y inspiracion pa continua e dialogo den Parlamento Hulandes riba e temanan importante pa Aruba y Reino.

Ora a puntra Bontenbal e pregunta si ta dificil pa mantene apoyo pa Aruba den Tweede Kamer, Bontenbal a indica cu tin diferente partido politico cu ta kere den importancia di un Reino fuerte y den mantene e relacionnan positivo cu Aruba y e otro paisnan den Reino. El a enfatisa cu CDA ta keda comprometi n’e relacion aki y cu e partido kier



continua fortalece esey.

Gobierno di Aruba ta apresia e dialogo constructivo cu diferente actor politico den Hulanda y ta continua traha pa fortifica e relacionnan basa riba respeto mutuo, cooperacion y balor agrega pa tur pais den Reino Hulandes.

Captura na Peru riba 900 kilo di cocaina den container di Appel rumbo pa Costa Rica

LIMA: Marina Peruano haciendo un operacion den jurisdiccion di Capitanía di Puerto de Paita, a logra intercepta y confisca un cargamento di riba 900 kilo di cocaina den Terminal di Waf Euroandinos, situa den region Piura.

E droga tabata scondi den un container di carga cu tabata transportando Appel.

Durante un control y inspeccion pa check e carga den e container, e militarnan a detecta un total di 25 saco grandi di plastico duro, cu tabatin 762 paki di cocaina aden. E peso exacto a yega na 906,9 kilo.

Segun e bill of lading di e container cu a wordo revisa door di Aduana, e container



cu frutanan aki a bin originalmente di Puerto Bolivar na Ecuador, y a pasa pa transshipment na e Waf di Piurano pa sali despues rumbo pa Puerto Caldera na Costa Rica. Pues e ruta aki a wordo interumpi despues cu a confisca e droga.

Autoridad ta haciendo un investigacion riba e caso di contrabando internacional di cocaina.

Casonan Penal pa wordo trata den Corte di Husticia na Aruba

Casonan di Diabierna 29 Mei 2026



Horario	Sospechoso	Acto Castigabel
8:15 am	A.J.J.R.	Acusado ta bay tende dilanti Hues e sentencia imponi den su caso.
8:15 am	S.J.S.	Acusado ta bay tende dilanti Hues e sentencia imponi den su caso.
8:30 am	R.F.C. R.G.S.C.	Sospechosonan C. y C. ta wordo acusa di importacion di marihuana riba 9 di Januari 2026.
10:00 am	A.F.G.Z.	Sospechoso G.Z. ta wordo acusa di ladroncia y menaza riba 9 di Januari 2026. E ta wordo acusa di ladroncia riba un turista riba 15 di Maart 2024.
11:00 am	B.H.S.P.	Sospechoso S.P. ta wordo acusa di intento di maltrato grave, maltrato cu arma, y ladroncia riba e fecha 26 di December 2025.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diabierna 29 Mei 2026

den Sala di Corte di Husticia na Aruba. E informacion aki a wordo suministra door di Ministerio Publico.

Ministro Gerlien Croes:

Aruba tabata anfitrión di cumbre 'Women in Para Sports Americas'

ORANJESTAD (AAN): Recientemente, Gobierno di Aruba hunto cu Aruba Paralympic Committee (APC) conhuntamente cu Americas Paralympic Committee (AmPC) a organiza un exitoso cumbre di 'Women in Para Sports Americas'. Esaki a tuma luga na Aruba durante tres dia consecutivo.

E cumbre aki a reuni mas di 50 hende muhe lider den region Panamericano, representando 29 pais, pa dialoga riba topiconan clave relaciona cu inclusion, liderazgo y desaroyo den para sports.

Durante e tres dianan, e enfoque principal tabata riba fortalece connexionnan, amplia rednan y converti ideanan na accion concreto, reconociendo cu liderazgo no ta wordo construi individualmente, sino conhuntamente den un comunidad.

Como Minister di Deporte, Minister Gerlien Croes a participa activamente den e panel titula "Leading Global Change: Advancing Women in Sports Across Systems", unda hunto cu lidernan internacional manera Barbara Ortiz (United Nations), Alia Atkinson (campeon mundial y atleta olimpico), Shardea Croes (AmPC Women's Committee) y Nicole Hoevertsz (International Olympic Committee), nos a discuti con por impulsa cambio real den sistema deportivo y fortalece participacion y lider-



azgo femenino na tur nivel.

E prome dia a marca e inicio di conversacionnan importante y connexionnan regional, mientras cu e di dos dia a wordo caracteriza pa energia, intercambio di conocimiento y creacion di lasonan significativo entre e participante nan. Durante e cumbre di hende muhe den para sports, participantenan local y internacional a disfruta di un exhibicion interactivo cu diferente organizacion y fundacionnan cu ta brinda servicio na persona cu limitacion. Informacion, demostracion y inspiracion—hunto pa sigui promove inclusion y desa-

royo den deporte.

E dia final a representa un clausura inspirador, unda tur informacio a wordo converti na accion, cu enfoque riba liderazgo cu proposito, hermentanan practico y un vision strategico pa sigui crea impacto den para sports for di cada rol cu e participante nan ta ocupa.

E edicion aki a destaca su mes como un exito completo, no solamente pa su contenido y participacion internacional, sino tambe pa su enfoque inovador. Pa prome biaha, e cumbre a habri su porta pa participacion di comunidad, permitiendo intercambio directo di experiencia entre profesionalnan, para-atletanan y publico. Tambe, pa prome biaha, a inclui participacion di hende homber den e dialogo, reflehando un enfoque inclusivo y integral, conforme vision di e organizacion.

E presencia di figura internacional importante, manera representante di United Nations, Barbara Ortiz, y representante di International

Paralympic Committee, Ojunoka Agudah, a agrega balor significativo na e nivel di e cumbre, posicionando Aruba como un referente pa futuro edicionnan un biaha mas.

Como Gobierno di Aruba, nos ta orguyoso di a contribui na realisacion di e evento aki, reafirmando nos compromiso cu inclusion, igualdad di oportunidad y desaroyo di para sports.

Minister Gerlien Croes a expresa su gradicimento na Aruba Paralympic Committee, Americas Paralympic Committee, tur partnernan y organizadonan, pa nan dedicacion, liderazgo y esfuerso continuo.

E cumbre aki no solamente a fortalece e presencia di para sports, pero tambe a planta e base pa un futuro unda mas hende muhe lo lidera, inspira y crea cambio den deporte riba nivel local y internacional.

Hunto, nos ta sigui construi un movimiento cu ta transforma bida y crea oportunidad pa tur.

Bario Mabon y Fundacion Luna a uni forza pa atende problematica di cacho den comunidad



ORANJESTAD (AAN): Comision di Desaroyo y Bienestar di Bario Mabon, hunto cu Fundacion Luna, a realisa un recorrido den Bario di Mabon pa observa y atende e problematica di cacho den comunidad.

E iniciativa aki a nace despues cu e Comision a nota con, durante diferente Accion di Bario cu Prome Minister Mike Eman, den colaboracion cu organizacionnan manera Fundacion

Luna a yuda atende problema relaciona cu bienestar di bestianan den diferente bario. Inspira pa e ehempel positivo aki, Comision di Bario Mabon a tuma e iniciativa pa traha hunto cu Fundacion Luna pa atende e situacion di cacho den e bario.

E Comision ta di opinion cu hopi biaha tin e percepcion cu solamente durante bishitanan di Prome Minister Mike Eman un fundacion manera Fundacion Luna por



yega den un bario. Sin embargo, esaki no ta asina. Cada bario por tuma su propio iniciativa y sigui e ehempelnan positivo promovi pa crea miho condicion pa nan habitantenan.

Durante e Conferencia di Bon Comun organiza pa Prome Minister Mike Eman, presidente di Comision di Bario Mabon, Astrid Vries, a firma un Memorandum of Understanding (MoU) hunto cu e miembronan di e comision. Cu esaki, e comision a compromete su mes pa no solamente organiza actividadnan den e bario, pero tambe pa traha riba desaroyo di comunidad y atende diferente reto cu e bario ta confronta diariamente.

Comision di Bario Mabon a informa Zoey Conijn Berkel di Fundacion Luna tocante diferente area den e bario unda cachonan ta stroba habitantenan ora di pasa riba caminda y ta crea preocupacion pa seguridad y bienestar di e habitantenan.

Zoey Conijn Berkel di Fundacion Luna a comparti cu e recorrido tabata un bon oportunidad pa cana den Bario Mabon hunto cu representantenan di e comunidad. Segun Conijn, loke mas a resalta tabata cu tin un necesidad real di sosten ora ta trata di cachonan cu ta biba riba caya. Hopi di e cachonan aki un tempo tabatin un doño, pero awor ta biba sin cuidu, seguridad ni cas adecuado.

Fundacion Luna tambe a tuma nota cu hopi cacho ta biba na cadena. Pa medio di educacion, compasion y sosten, e fundacion ta kere cu poco poco por yuda cambia e mentalidad aki. Algun famia tambe mester di un espacio mas apropiado pa nan bestianan, y caminda ta posibel, Fundacion Luna kier yuda mehora e situacionnan ey.

Loke mas a conmove Fundacion Luna tabata e forma cordial cu hopi habitante di Mabon a ricibi e iniciativa pa traha hunto riba bienestar di tanto hende como bestia.

Fundacion Luna su siguiente campaña di sterilisacion y castracion den luna di juni lo ta specialmente dirigi na famianan “pariba di brug” cu mester di asistencia den cuidu di nan bestianan di cas. Fundacion Luna ta kere firmemente cu esaki mester ta un esfuerzo di comunidad, pasobra ora hende haya sosten y bienestar, nan bestianan tambe ta beneficia.

Pa Comision di Desaroyo y Bienestar di Bario Mabon, e presencia di Fundacion Luna tambe a sirbi como un experiencia educativo unda nan a haya mas conocimiento riba problematica di cacho y solucionnan cu por yuda e comunidad.

Comision di Desaroyo y Bienestar di Bario Mabon ta sigui traha pa un bario mas sigur, limpi y miho convivencia pa tur habitante.





Esaki ta e Bufalo cu nan no a mata na Bangladesh debi na su parecido na Donald Trump

DHAKA: Pa supuesto motibonan di siguridad nacional, Gobierno di Bangladesh a interveni recientemente di forma urgente pa evita e sacrificio di un Bufalo albino cu hendenan a cuminsa yama 'Donald Trump'. Esaki ta un informe cu ultimo dianan a dal un buelta rond mundo.

Autoridadnan a tuma e decision di proteha e animal, cu ya a bira viral riba social media pa su parecido asombroso cu e president Mericano, pasobra nan ta teme cu si acaso e animal wordo mata, e lo provoca hopi disturbio y protesta di publico.

E Bufalo tabata wordo prepara pa wordo mata cerca di Dhaka, debi na e fiesta musul-



man di sacrificio conoci como 'Eid al-Adha', cu ta un celebracion unda nan ta atende matamento di mas di 12 milyon cabez di animal di crianza den henter e pais.

Sinembargo e popularidad enorme di e animal a cende alarmanan di siguridad. "Ministro di Interior a duna ordo pa e Bufalo aki wordo debilbi na e criadero pa evita e caos," ta loke Faisal Hassan a bisa, kende ta vocero di Ministerio di Interior di Bangladesh.

Encuanto e destino final di e animal, e mesun vocero a bisa cu "mas despues lo tuma un decision riba su futuro".

E animal di 700 kilo di peso, y un notabel cuero color roos/blanco, ta destaca pa su cabey blond, di cual e peinado ta parece esun di e politico Mericano. Su cabez y cara rapidamente a bira un fenomeno di

Internet, prome riba nivel local, y despues a plama internacionalmente.

E decision di Gobierno a bin despues cu a detecta un aglomeracion di hende cu a core bay bishita e zona di Keraniganj, na Dhaka. Hendenan a bay masalmente pa saca potret, y pasa man riba e Bufalo den e shelter temporal unda e ta wordo cuida.

E Bufalo aki a wordo cria ultimo aña na e ganadero di Rabeya Agro Farm, cu ta situa pafu di ciudad, prome cu el a wordo entrega na su doño nobo pa e rito religioso. Ora cu el a bay, e directornan di e ganadero a organiza un acto di

despedida cu a inclui un tapijt cora y tambe efecto di huma di color.

Un di e propiedadnan di e ganadero, Nuruddin Jitu, a declara cu nan a cumpra e Bufalo como 10 luna pasa na ciudad di Rajshahi y nan a bautiz'e como 'Donald Trump' debi na su aspecto inusualmente parecido na e president di Merca.

Ora cu e cara di e Bufalo a cuminsa plama riba social media local, el a crea un fiebre turistico na e ganadero den ultimo simannan, y despues el a bira un impacto global cu na final a forza Gobierno pa duna proteccion na e Bufalo.

Arubianonan den sector di hospitalidad na Hulanda ta ricibi aprecio di Premier Eman



ORANJESTAD (AAN): Durante su estadia na voco Den Haag, Prome Minister mr. Mike Eman a topa cu Raymond Bridgewater y Hiram Zievinger, dos profesionalnan cu ta activo den sector di horeca na Hulanda y cu ta contribui diariamente na e experiencia di hospitalidad den Den Haag. Prome Minister a gradici nan personalmente pa nan dedicacion, profesionalismo y compromiso cu e sector di servicio. Como muestra di aprecio y conexion cu Aruba, el a entrega nan un pin di bandera di Aruba.

Hiram Zievinger, cu ta ocupa e funcion di F&B Manager na voco Hotel Den Haag, tin 35 aña di experiencia den horeca y recientemente a cuminsa un nobo etapa profesional na e hotel. Raymond

Bridgewater tin 5 aña trahando den sector di horeca na Hulanda y ta forma parti di e grupo di profesionalnan cu diariamente ta representa balornan di trabao duro, hospitalidad y perseverancia.

Gabinete AVP-Futuro ta considera importante pa mantene contacto cu Arubianonan y amigo di Aruba den exterior, specialmente cu esnan cu ta aporta positivamente na diferente sector profesional y cu ta fortalece e conexion entre Aruba y Hulanda door di nan trabao y dedicacion. Encuentro manera esaki ta contribui na reforsa e sentimento di cercania y reconocimiento p'e personanan cu, a pesar di ta biba y traha na exterior, ta sigui carga Aruba den nan curason.

Empleadonan di Aruba Wine and Dine awor tin training di BPV-Opleider pa por traha cu esnan cu ta core stage eynan



ORANJESTAD (AAN): Esaki ta un recien grupo di participante di Aruba Wine and Dine durante training certifica di BPV-Opleider ofreci door di Plataforma Educacion y Labor (PEL).

Durante e training aki, e participantenan a enfoca pa reforsa su habilidadnan den orientacion pa duna guia ora cu stagairenan yega y bin labora pa nan.

Esaki sigur ta un bunita paso pa un orientacion y guia di calidad na tur hoben cu ta core stage na e compania, y asina crea un conexion mas solido entre educacion y mercado laboral di aruba.

BPV nifica "Beroepspraktijkvorming-begeleider" y e ta yuda cada persona bira un sorto di coach pa e alumnonan cu ta bin core stage, y ta yuda nan evalua e estudiante tambe.

Varios club di servicio a bay pasa un anochi dibertido na Papaya Ranch



ORANJESTAD (AAN): Recientemente e organizacion di Kiwanis Club of Palm Beach, a organiza nan evento anual di 'Service Interclub Fun Event', caminda miembronan di varios club social, e.o.

Kiwanis Club of Aruba, Kiwanis Club of San Nicolas, Aruba Lions Club, Aruba

One Happy Island Lions Club, Quota International of Aruba, Aruba Rotary Club, y Women's Club of Aruba a bay diberti un poco.

Nan a goza di un anochi yena cu weganan di Domino, Bolas Criollas, fabuloso cos di come y di bebe, y lo mas importante comparti momentonan maraviyoso cu demas clubnan di servicio.

DIARIO a comprende cu casi 100 boluntario di 8 diferente club di servicio a participa e aña aki.

Un palabra di pabien na Aruba Lions Club cu e aña aki a gana e Fun Competition Bolas Criollas.



DEPORTE INTERNACIONAL

Sinner sorprendi pa Cerundolo despues di cay den otro fisicamente na Roland Garros



PARIS: Pa prome biaha desde cu Rafael Nadal tabata ganando su di 14 titulo di Roland Garros, tabata tin un tenista asina favorito pa gana e Grand Slam di Paris.

Den e ultimo lunanan Jannik Sinner a gana tur cos cu por a wordo gana den tennis.

mirando cu su rival mas grandi Carlos Alcaraz ta lesiona Sinner tabata e favorito grandi pa gana e Frencho Open.

Lamentablemente pa Sinner na momento cu e tabata falta pa gana un game contra Juan Manuel Cerundolo Diahuebs pa pasa pa tercer rond

di Roland Garros, el a cay den otro debi na ola di calor inmenso cu tin na Paris.

Despues di gana e prome dos setnan di e wega Sinner tabata gana 5-1 den e tercer set, pero afecta pa e calor el a perde e set y e dos otronan despues. Na final Cerundolo, kende ta number 56 di mundo a gana e wega cu e score di 3-6, 2-6, 7-5, 6-1, 6-1.

Despues di e wega Sinner a indica cu na dado momento el a sinti marea y hopi zwak.

“Mi no ta corda un biaha cu mi a sintimi asina zwak”, segun Sinner.

Frances di 17 aña Moise Kouame a pasa pa tercer rond: tenista mas hoben pa logra esaki desde Rafael Nadal



PARIS: E tenista Frances Moise Kouame a logra pasa pa tercer rond di Roland Garros.

Na edad di 17 aña Kouame a bira e tenista masculino mas hoben pa yega e tercer rond di un torneo Grand Slam, desde cu Rafael Nadal tambe a logra esaki na 17 aña di edad.

E legendario tenista Spaño a logra esaki na Wimbledon na 2003.

Kouame a gana Adolfo Daniel Vallejo

cu e score di 6-3, 7-5, 3-6, 2-6 y 7-6 pa avansa pa tercer rond di e Grand Slam di Paris.

Den otro weganan Frances Tiafoe despues di casi 5 ora a gana Hubert Hurkacz cu e score di 6-7 (5), 7-6 (5), 6-4, 6-7 (1), 6-4 y Francisco Cerundolo a gana Hugo Gaston 2-6, 6-4, 6-2, 6-1 y Naomi Osaka a gana Donna Vekic 7-6, 6-4.

Probablemente Neymar ta perde prome wega di Copa Mundial



BRAZIL: Muy probablemente Neymar no ta bay por hunga e prome wega di Brazil na Copa Mundial di 2026 contra Morocco.

Esaki a sali na cla despues di un examinacion di e lesion na su batata di pia.

“Un scan di MRI a muestra cu Neymar tin un lesion di batata di pia di grado 2 y no solamente un hinchamento”.

Ta wordo verwacht cu dentro di 2 pa 3 siman e por hunga atrobe, segun e dokter di e seleccion di Brazil Rodri-

go Lasmar.

Dimes awor Neymar lo no forma parti di e seleccion ora cu nan hunga nan dos proximo weganan amistoso contra Panama riba 31 di Mei y Egipto riba 7 di Juni.

Coach di e seleccion Carlo Ancelotti ainda por dicidi di saca Neymar for di e seleccion y busca un reemplazante. E lista final di 26 hungador mester wordo entrega na FIFA no mas tarda cu 1 di Juni.

Sánchez a marca record di Phillies cu 44 2/3 inning consecutivo sin permiti careda



PHILADELPHIA: Pitcher principal di Philadelphia Phillies Cristopher Sánchez Diaranson a pasa miembro di Hall Of Fame Grover Alexander, pa logra e racha di inning consecutivo mas largo di e franquicia sin permiti careda.

Sanchez a kibra e record di 115 aña di 41 inning consecutivo sin permiti careda, ora cu el a saca hungador di San Diego Padres Jackson Merrill out den di 4 inning.

Actualmente Sanchez tin 44 inning y 2 tercio sin permiti un careda, despues cu durante 7 inning el a blanea Padres.

El a permiti 6 hit sin permiti un base por bola, mientras cu el a poncha 9 bateador.

Na final Phillies a gana e wega 3-0 pa completa un sweep di 3 wega.

Orel Hershiser tin un record di mas inning consecutivo sin permiti careda, na 59.



RESULTADO DI SORTEONAN PA CORTESIA DI CADENA ALEXANDER

DIABIERNA 29 MEI 2026

DIARIO	KORSOU	CATOCHI	ZODIAC	MORF	LUCKY 3	BIG 4	SUPER 4	
3769 3197 6722	3576 9096 3524	MERDIA 2010 6102 0156 MULTI- X X2	ANOCHI 1462 0953 9964 X2	MERDIA 9217 CAPRICORNIO 3711 CANCER	MERDIA 774 X2	ANOCHI 213 FP	MERDIA 6729 X2	ANOCHI 7856 FP
 01-17-23-25-30								

BUSCA PALABRA

L I N S T R U C C I O N
 L L L S A R C E C I Z D
 D I A O C O M P D P N I
 C N S A R O A I E O E G
 D E O O C U L D C L O I
 U E S I Z E A R A R D T
 N U Z E C G U A O R M A
 A A S T O A K T M R E L
 L R C G P O C L C C N B
 E U I I L E A U G E T O
 S A K S R A I N D U O A
 A E A I G O I R A E R R
 E L D K E T N E C O D D
 K I O L C U R I C U L O

Educacion	Pedagogia	Instruccion	Scol
Curiculo	Duna Les	Klaslokaal	Mentor
Digital Board	Docente	Director	Pauze

> SUDOKU <

Conceptis Sudoku By Dave Green

				6		4	
		2	8				6
	1		4	7			
	8	7					1
		1			4		
3					6	9	
				8	5		2
1				4	7		
	6		9				

Difficulty Level ★★★★★ 5/29

Bisti bo Seatbelt

Aki 1 luna Corsou lo ta cla pa duna consesion pa Starlink opera na e isla

WILLEMSTAD: Gabinete Pisas a caba di confirma cu nan lo duna consesion pa asina Starlink cuminsa opera y wordo bendi y



Hari Un Tiki

Un hoben ta laat pa un entrevista pa trabao, pero no por haya un lugar pa staciona su auto. El a hisa cara pa cielo y a bisa:

—“Oh Señor, si bo dunami un lugar pa para, mi ta priminti na pone 100 Florin den collect di Diadomingo awo”.

Diripiente nubianan a habri y un rayo di luz di solo a ilumina un espacio bashi pa staciona. E hoben a wak na halto atrobe y a bisa:

—“Ah no worry, ya mi a haya uno pa staciona”.

Solucion Anterior

3	9	5	8	6	7	4	2	1
7	6	8	1	4	2	9	5	3
4	1	2	9	5	3	8	6	7
8	3	4	5	7	6	1	9	2
9	7	6	4	2	1	3	8	5
2	5	1	3	8	9	7	4	6
5	4	7	2	3	8	6	1	9
6	8	9	7	1	5	2	3	4
1	2	3	6	9	4	5	7	8

Difficulty Level ★★★★★ 5/29

EMERGENCIA NA ARUBA

Diabierna 29 Mei 2026

DOCTER NA WARD

SAN NICOLAS:
Pa San Nicolas, Docter lo ta na H.A.P. ImSan.
Dokter tey for di 6'or di anochi te 10'or di anochi.

ORANJESTAD:
Pa Oranjestad, Docter lo ta na Huisartsenpost H.A.P. na Hospital. Dokter tey di 6:30 pm te cu 10:30 pm.

BOTICA NA WARD

PARIBA DI BRUG:
Botica 4 Centro Medico
Bernhardstraat 55
Telefon 584-5794

PABAO DI BRUG:
Botica Santa Cruz NV
Santa Cruz 54-A
Telefon 585-8028

Loke Tempo ta Mostra....



•• Un masa di aire seco ta sigui keda riba Aruba, treciendo biento fuerte debi na sistema di presion halto riba Atlantico. Santo di Sahara lo reduci bista y baha calidad di aire awe tambe.

•• Biento di Pariba modera entre 20 y 39 km/h, tin biaha cu rafaga duro te 64 km/h. Ola modera te bruto entre 4 y 8 pia.



abona na Corsou. Ya a ricibi conseho, y awor a manda pidi conseho di Departamento di WJZ pa controla tur cos, y nan lo duna conseho den 2 siman.

Ministro Charles Cooper a bisa cu despues di esey lo firma e Landsbesluit, y esey por nifica cu den siguiente luna, nan lo mester ta cla pa duna consesion na Starlink cuminsa opera na e isla.

Starlink ta un serie di 10 mil pico satellite di orbita abao cu ta ofrece internet data na velocidad halto. Rond mundo ya nan tin 10 miyon abonado cu ta goza di download speed di entre 100 y 200 Mbps.

Na algun isla den Caribe, prijs di abono ta di \$95 pa luna. Un antenna chikito ta wordo poni sea riba dak of den bo patio patras di cas.

ALMANAC



Bahada y salida di solo na Aruba

—29 Mei 2026
Solo ta baha: 7:01 p.m.

—30 Mei 2026
Solo ta sali: 6:14 a.m.
Solo ta baha: 7:01 p.m.

—31 Mei 2026
Solo ta sali: 6:14 a.m.



Lista di Crusero di bishita na Aruba

—Diamars 2 Juni 2026:
Grandeur of the Seas:
(08:00 - 23:00)
Carnival Magic:
(09:00 - 22:00)

—Diamars 9 Juni 2026:
Grandeur of the Seas:
(08:00 - 23:00)
Carnival Horizon:
(08:00 - 22:00)
Carnival Mardi Gras:
(13:00 - 23:00)

—Diamars 16 Juni 2026:
Adventure of the Seas:
(08:00 - 23:00)
Grandeur of the Seas:
(08:00 - 23:00)
Seven Seas Mariner:



Tel: 583-1190
Anonimo y Confidencial



Noticianan for di Hulanda

Cientificonan sorprendi: apesar cu muchanan ta hopi tras di pantaya nan no a bay atras den movimiento



HULANDA: Muchanan ta sinta hopi mas tras di un celular of tablet compara cu 7 aña pasa, pero alumnonan di 6de klas toch por move bon.

Esaki segun un investigacion nobo di Onderwijsinspectie, cu a sorprende científiconan.

Casi mitad di e alumnonan a indica cu pa mas cu 3 ora pa día nan ta hunga weganan riba nan celular of tablet.

Alrededor di 15% di e alumnonan te hasta a duna di conoce cu pa mas cu 5 ora nan ta haci esaki.


Locual a wordo verwacht ta cu mas

e muchanan ta sinta tras di pantaya, esaki lo tin un efecto directo riba gym, pero esaki no ta e caso.

A haci un investigacion riba e alumnonan di 6de klas y a resulta cu nan ta menos bon den mik y core compara cu e alumnonan investiga 7 aña pasa, cu ta importante pa weganan di bala. Sinembargo nan tin mihor balans y por bula mas leu.

Locual e investigadornan ta yama 'beweegbaarheid' (capacidad di move), pues ta keda practicamente igual na esun di e alumnonan di 7 aña pasa.

Drama na plas di awa na Dordrecht: mucha homber di 18 aña muri despues di bay bao di awa



DORDRECHT: Diaranson atardi un mucha homber di 18 aña a wordo saca for di awa banda di De Bekramming na Dordrecht y despues a fayece.

Despues cu el a wordo saca for di awa a reanima e mucha homber y a transporte pa hospital, pero esey no a yuda.

Lamentablemente e no a sobrevivi e incidente.

Tabata alrededor di 17.45 cu despues di un duik den e plas di landa De Merwelanden, e persona di 18 aña no

a bin bek ariba.

Personanan cerca a dreña den accion mesora.

Mientras cu un di e hendenan a bula den awa mesora, otronan a yama servicicionan di emergencia.

Un agente policial cu a yega na e sitio basta lihe tambe a bula den awa pa yuda busca e mucha homber, te ora cu mas servicio di emergencia, incluyendo un team di divers, a yega na e lugar.

Mas hende trata na Hulanda pa adiccion na gamble online y asina yama 'designer drugs'



HULANDA: Tin un cantidad grandi di hende na Hulanda cu ta busca ayudo pa adiccion na weganan di placa online y adiccion na e asina yama 'designer drugs'. Esaki segun e ultimo cifranan di e asina yama Landelijk Alcohol en Drugs Informatiesysteem (LADIS), cu ta monitor trends den cuidio di adiccion.

E cantidad di pashent cu ta wordo trata debi na uso di e designer drug

manera 3-MMC a aumenta di 709 na 2024 pa 946 otro aña.

Esey ta un aumento di 33 porciento.

Tambe e cantidad di persona cu un adiccion na ketamine a aumenta cu 100 hende.

Mas cu 3100 persona a wordo trata aña pasa pa problemanan di gamble, un aumento di 13% cu specialmente a wordo causa pa weganan online.

Listramento preventivo mester pone beachnan di Zandvoort y Nesselande bira mas safe



HULANDA: E beachnan rond di Zandvoort y Nesselande di inmediato a wordo apunta como area di riesgo di seguridad, door di cual polis ta wordo permiti pa haci listramento preventivo, pa asina aumenta seguridad di esnan cu ta bishita e lugarnan.

Na Zandvoort diariamente lo consulta cu esnan cu ta encarga cu e

beach, si lo mantene e medida di seguridad.

Na Nesselande a medida ta keda vigente te cu 12 di Juni.

E pasonan tuma ta bin despues di un cantidad di iregularidad cu a tuma lugar recientemente na Zandvoort, cu a causa un pleitamento durante di cual personal a wordo insulta y un security a resulta herida.

Noticia Internacional

Delcy Rodriguez ta anuncia restructuracion di gobierno pa motibo di e “realidad nobo” di Venezuela

CARACAS: E presidente interino di Venezuela, Delcy Rodriguez, a anuncia un “restructuracion y re-ingenieria” di e gobierno, cu lo wordo dirigi pa e Minister di Enseñansa y Vicepresidente Sectoral y Teritorial, Héctor Rodríguez, y e Minister di Planificación, Ricardo Mendez, como parti di e “realidad nobo” cu e pais ta experienciando.

“Mi a nombra e Vice-presidente Sectoral, Héctor Rodríguez, como comisario presidencial pa e restructuracion y re-ingenieria di gobierno, un estructura gubernamental nobo adapta na e realidad nobo aki na Venezuela”, asina e presidente interino a bisa durante un reunion cu Consejo



di Minister, transmiti riba e canal estatal Venezolana de Televisión (VTV). Sin elabora si e restructuracion ta encera mas cambio na posicionnan di minister, vice presidencia, of otro structuranan di gobierno, e mandatario a indica cu e mandatario di Enseñansa lo traha hunto cu e Vice Presidente Sectoral di Planificación, Ricardo Menéndez. Ambos mester presenta

“dentro di 90 dia” na Consejo di Minister e “restructuracion y re-ingeniering nobo di Gobierno”. Tambe el a anuncia cu el a nombra e Minister di Economía y Finanzas, Anabel Pereira, como “Comisario Presidencial pa e maneho eficiente di e gobierno nacional”.

Rodriguez a asumi e funcion di presidente interino pa ordo di Corte Supremo di Husticia (TSJ), despues di e captura di Nicolas Maduro pa Merca durante un atake militar riba Caracas, dia 3 di januari.

Desde e tempo ey, e lider chavista a papia di un “momento politico nobo” pa Venezuela, marca pa e reanudacion di e relacionnan diplomatico cu Washington despues di un pauze di siete aña, e apertura pa acuerdonan di inversion stranhero, energia y mineria cu Merca, e liberacion di centenares di preso politico, y e retiro di un gran parti di e gabinete di Maduro.

E cambianan a bin despues cu presidente di Merca, Donald Trump a adverti Rodriguez cu si e no actua debidamente, e lo sali “pio” cu e lider destitui.

Trump, cu a expresa abiertamente su interes den petroleo y oro Venezolano, despues a señala cu Rodriguez tabata haciendo un trabou “excelente”, aunke el a broma tambe di haci Venezuela e di 51 estado di Merca.

Merca ta propone un multa di te cu 18 mil dollar pa inmigrantenan cu orden di deportacion



Gobierno di Merca a propone un multa pa inmigrantenan cu orden di deportacion, aumentando na 18.000 dollar e castigo cu Inmigracion y Aduana (ICE) ta cobra na cierto inmigrantenan cu orden di deportacion emiti den ausencia cu a keda na Merca y despues a wordo deteni.

E cambio a wordo impulsa pa e Departamento di Seguridad Nacional (DHS) y formalisa den un documento publica a traves di e Registro Federal.

Segun e propuesta di DHS, e suma nobo lo reemplasa e tarifa actual di USD 5.130 y lo ta aplica na stranhero-

nan cu un orden di expulsion “in absentia” cu no a bandona Merca y despues a wordo aresta pa ICE. Gobierno a argumenta cu e castigo actual no ta suficiente pa parcialmente reembolsa e gastonan di detencion y expulsion. Segun e proposicion, e multa ta funciona como un mecanismo di reembolso parcial pa gastonan: e no ta wordo presenta solamente como un castigo, sino como un cobransa cu ta busca pa recupera un parti di loke Gobierno ta reclama cu ta costa pa detene y expulsa un persona cu ya tabatin un orden previo.

NOTICIA FOR DI COLOMBIA

HORARIO DI LESNAN A CAMBIA DEBI NA CALOR

CARTAGENA: Tin un calor insoportabel ultimo simannan na ciudad- y pueblonan di Colombia cu ta situa cerca di Lama Caribe. Temperaturan halto ta wordo registra, y esaki a pone cu Autoridadnan di Educacion na ciudad di Cartagena tuma decision

inmediato pa introduci medidanan pa asina proteha salud, bienestar, y demas condicion di estudiante-, docente-, y personal administrativo di scolnan publico y priva. Nan kier mitiga e efecto di actual ola di calor, y reduci riesgonan si bo ta demasiado hopi den temperaturan halto na scol. Asina a tuma decision pa cancela tur actividad den aire liber entre 11:00 am y 3:00 pm. Nada di deporte, les di gym, cultural, ni recreativo den lugarnan sin dak entre e horario ey. Pasobra esey ta ora cu tin mas impacto di calor. Tambe a indica cu scolnan mester pone prioridad p duna les den lugarnan cu dak, cu fan, of airco, y garantiza cu nan tin awa constant pa bebe, y mucho mas.

DROGA TUSI A PONE CU A AMPUTA PIA DI HOBEN

MEDELLIN: E consumo di droga ta sigui preocupa autoridadnan di salud na Medellin, specialmente awor cu nan ta confirma cu a identifica 18 caso di intoxicacion agudo di hobenan cu a uza e droga yama 'Tusi' eynan, incluyendo un pashent hoben cu a bira asina malo te cu dokternan mester a amputa un di su pianan debi na complicacionnan vascular grave.

E droga 'Tusi' ta conoci tambe como 'cocaina roos', cu ta un droga sintetico cu bo no por anticipa kico e lo ocasiona den bo curpa. E ta un cocktail di droga, cu ta wordo tiña color roos, y tin biaha tin holor artificial hinca den dje. No obstante su "number", casi nunca e no tin cocaina aden. Como cu e ta wordo fabrica den laboratorionan scondi, semper e ingredientenan ta varia, pero hopi biaha ta contene Ketamine, MDMA (ecstasy), cafeina, y meth tambe. Alarma a wordo bati ora cu dokternan na Medellin a bin constata aumento di hobennan hospitaliza cu señal di ischemia agudo riba parti ariba di nan curpa, cu ta socede ora cu adernan ta wordo blokea y bo cuero ta stop di ricibi oxigeno, y esaki por ocasiona amputacion.

TRUCK A BOLTER DEN ABISMO MATANDO UN BABY

YARUMAL: Un accident den parti nort di departamento di Antioquia, ora cu un truck carga cu staca coriendo riba un caminda di santo, a hala di banda, y cay den un abismo na pueblo di Lomas de los Llanos na distrito di Ochali, cu ta e area mas leu di centro di Yarumal. Den e truck tabatin un baby di 18 luna yama Emilio Holguín Villa, kende a perde su bida. Su mama Yurani Villa y su wela a keda seriamente herida. E truck a cay y keda cu su 4 wielnan den halto den un zona dificil di acceso pa yega na dje. Bomberonan di San Andres di Cuerquia a pasa hopi trabao pa yega ayabao, pa rescata esnan herida.

Noticia Internacional

Agencia di Proteccion di Consumidor a logra recupera mas cu 9.5 milyon di dollar na 2026 na El Salvador

Te awo na 2016, e Agencia di Proteccion di Consumidor a recupera mas cu \$9.5 milyon pa consumidornan Salvadoreño. Asina Ricardo Salazar, presidente di e agencia, a informa durante un entrevista riba e programa "Dialogo," den cual el a splica cu e suma aki ta inclui tanto casonan individual como colectivo resolvi den e prome lunanan di aña.

Salazar a specifica cu mas o menos \$6 milyon ta corresponde na e recuperacion di real estate, principalmente titulonnan di propiedad, cu a beneficia 1.296 famia. Tambe el a splica cu den e sector financiero, e Agencia a logra recupera 1.6 milyon dollar pa mas di 2.231 beneficiario door di resolve disputanan riba




cobransanan indebido y tarificanan no autorisa.

Un \$423,000 adicional a wordo recupera como parti di garantia riba aparatonan, vehiculonan y real estate, beneficiando 313 consumidor. En total, mas di 5.500 Salvadoreño a ricibi resolucionnan faborabel pa nan kehonan danki na e intervencion di Oficina di Ombudsman e aña aki.

E hefe di e oficina a enfatisa cu e volumen di kehonan y reclamonan atende ta refleha mas confiansa publico den e institucion. Te cu awo den 2016, mas

di 42 mil servicio a wordo brinda, di cual 35 mil tabata consultanan directo y 6.800 tabata kehonan formal. Di e kehonan aki, mas di 5.500 a wordo resolvi caba, demostrando e capacidad pa contesta y cumplimento cu deadline legal. Salazar a señala cu e ley ta establece un maximo di nueve luna pa resolve cada caso, aunke hopi proceso ta wordo conclui den dianoan of simannan, dependiendo di e disponibilidad di e dunadonan di servicio.

Gritando "Allah ta grandi", un homber a hinca tres hende na un stacion di trein na Suiza



Gritonan a kibra e tranquilidad di e stacion di trein di Winterthur durante e ora druk di mainta. Pasaheronan, studiantenan y un grupo di mucha di pre-escolar a cuminsa core desesperadamente na momento cu un homber arma cu un cuchiu tabata canando den e area di plataforma, causando panico.

E atake a sosode poco prome cu 8:30 a.m. diahuebs den e ciudad aki, den noord di Suiza, y a laga tres persona herida prome

cu e agresor a wordo deteni pa polis.

Imagennan for di e ligar a mostra e caos. Den un video, e supuesto atacante a wordo mira ta core cerca di varios mucha spanta mientras un maestro a purba di hala nan bay y hiba nan na un luga safe.

Cinco minuut despues, entre diez y diescincu patruya a cuminsa yega na e sitio.

Polis di Zurich despues a confirma cu e agresor tabata un ciudadano Suizo

di 31 aña, kende a wordo aresta paden di e stacion despues di e atake.

Segun autoridadnan, tres persona a keda herida cu un cuchiu. Un a sufri lesionnan serio, mientras cu e otro dosnan a sufri lesionnan modera y a wordo hiba pa hospitalnan local. E heridonan ta ciudadanonan Suizo di 28, 43, y 52 aña di edad.

Por lo pronto, autoridadnan a indica cu e motibo di e atake ta keda bao di investigacion y cu e agentenan ta analisando tur posibel pista pa aclarea kico a pasa.

Algun ora despues di e atake, e stacion a keda bao di presencia pisa di polis mientras cu investigadonan a revisa imagennan di seguridad y a tuma declaracionnan di testigonan pa ppurba determina kico a causa e atake.

NOTICIA FOR DI VENEZUELA

OTRO AVION CU VENEZOLANONAN DEPORTA

MAIQUETIA: Un otro vuelo cu Venezolanonan deporta for di Merca, a ateriza e siman aki na



Aeropuerto di Maiquetia. E biaha aki, e avion a sali for di Miami y a yega Venezuela cu 115 Venezolano cu a wordo deporta door di Gobierno di Donald Trump. Ora cu e

avion a yega Venezuela, tabatin diferente funcionario di tanto Polis, Inmigracion, Polis di Inteligencia, y personal di Salubridad Publico cu ta bay papia uno-pa-uno cu cada uno, y check nan estado di salud tambe. E biaha aki e avion a yega cu 80 homber, 17 muhe, ocho mucha homber chikito, y 10 mucha muhe chikito. Nan informacion a wordo tuma y a pidi nan e motibo cu nan a wordo deporta, aunke hopi di nan no sa e motibo mes cu esaki a wordo haci. Despues di esey, bao supervision di Polis, esnan liber por a regresa nan cas.

CAPTURA 30 KILO DI MARIHUANA NA TACHIRA

SAN CRISTOBAL: Oficialnan di Fuerza Armada Nacional Bolivariana (FANB), cu ta activo na estado



Tachira, a logra di intercepta y confisca un total di 54 paki conteniendo marihuana tipo creepy, y cu a yega na un peso exacto di 30,22 kilo. Autoridadnan hudicial a logra haya e droga, ora cu nan tabata coriendo y

haci patruyahe den municipio Panamericano, y a bin haya un persona cu dos saco grandi. Ora cu a acerca e homber, e persona a bira hopi nervioso mes, y mesora e militarnan a pensa cu algo no ta corecto. Ora di revisa e dos saconan grandi cu e tin den su poder, a bin haya 54 paki di droga den nan. Mesora nan a aresta e homber aki, pa asina haci un investigacion relaciona cu su envolvimento den contrabando di droga. Tanto e droga, y e homber deteni a wordo transferi pa autoridadnan di Ministerio Publico di estado Tachira.

FALCON CU UN GASOLIN STATION PA PISCADO

PUNTO FIJO: Danki na un reunion entre representantes di PDVSA y autoridadnan di Municipio



Falcon situa na Peninsula de Paraguana na Venezuela, a bay di acuerdo pa un gasolin station, esta 'Estación de servicio Falcón' lo wordo uza pa atende solamente tur hende cu ta bin di e sector di pesca. Esaki a bin despues cu piscadonan a bin ta reclama cu nan ta confronta hopi problema ora di bay busca gasolin pa nan subi lama y pisca.

E gasolin station aki ta pertenece na PDVSA, y ta uno cu ta bay ofrece gasolin subsidia tambe. Nan ta spera cu comunidad lo haci denuncia si acaso nan mira hendenan bay eynan siendo cu nan no ta piscado. E decision aki a wordo bon ricibi cerca gremio di piscadonan riba henter Peninsula di Paraguana, ya cu nan ta mira cu e lo bay yuda nan na un forma grandi, y tambe di hopi alivio cu nan por haya gasolin of diesel na prijs subsidia pa asina contribui na e industria di pesca.

Ministronan Gerlien y Wendrick a ricibi prome ‘finisher’ medaya di KLM Aruba Marathon 2026



ORANJESTAD (AAN): Minister Gerlien Croes (Deporte) y Minister Wendrick Cicilia (Turismo), a wordo entrega cu e prome “finisher” medaya di e KLM Aruba Marathon 2026. E medaya a wordo entrega pa sr. Kees van Muiswinkel, Presidente di Foundation Run in the Sun Aruba, como un gesto di gradicimento na e pais Aruba. Esaki a tuma lugar durante un reunion oficial na e oficinanan di gobierno diabierna atardi.

E Foundation Run in the Sun Aruba, funda na 2018 pa promove turismo, coremento y un estilo di bida saludabel riba e isla, ta organiza e Marathon anual di KLM Aruba. E marathon, awor den su di 8 año, lo tuma lugar diasabra 6 juni y diadomingo 7 juni, y ta casi sold-out.

Sr. Kees van Muiswinkel a informa: “Pa e di 8 edition aki, nos ta entusiasma di por yama bon bini na 3.000 participantenan, cu 850 coredor internacional, hunto cu nan amigonan y famianan, terciendo un total di 1.950 ‘runcation’ turistanan na nos One Happy Island. Nos

marathon y e otro distancianan ta cumpli cu e normanan internacional di mas haltu, pasobra e ta certifica pa AIMS/World Athletics, y ta accesibel pa tur hende cu varios opcion di distancia. Nos meta ta pa brinda un experiencia inolvidabel pa tur participantenan.”

Puntonan importante di e KLM Aruba Marathon 2026: Lo tin participacion: 3.000 coredor di 42 pais. Pa distancianan tin 4 opcion: Marathon, Half Marathon, 10KM, y 5KM.

Premionan: Ganadornan overall: e #1, #2 y #3 homber y muhe di tur distancia lo wordo honra riba e podium cu un copa special. (*) Kibramento di record: cada coredor (homber of muhe) cu lo kibra e record di Aruba Marathon di 02:37:13 y lo gana e titulo general na 2026 ta ricibi un premio cash di USD 2.500.

(*) Ganador Arubiano: e homber y muhe di Aruba mas liher den e distancia di marathon lo gana cada uno un pasashi ida y buelta cu KLM pa Amsterdam y participacion garantiza den e Marathon di Amsterdam cu ta sold-out caba.

(*) Premionan di grupo di edad: medaya lo wordo entrega na e tres miho finalistanan den cada categoria di edad pa tanto hende homber como hende muhe.

(*) Evento inclusivo: bon bini na tanto participantenan internacional como local, homber y

muhe. Extras di careda: numbernan di careda personalisa, registracion di tempo online, camisa Dri-Fit di evento, medayanan luhoso, hopi stationnan di awa, bebida deportivo y fruta. E ruta di coremento lo ta un paisahe espectacular di Aruba.

Den tecnologia lo tin un App gratis cu ‘Live Track & Trace’ pa tracking di e participante nan den tempo beradero. Lo tin beneficienan adicional: certificado di participante gratis, camisa Finisher DRI-Fit opcional, Finisher singlet, Pasta Party, y potretnan personal. Riba tereno di siguridad: un ambiente festivo garantiza mientras cu e siguridad di tur participantenan y publico ta priorisa.

Por inscribi ainda online na klmarubamarathon.com y cu opcion di pago disponibel online, via transfer bancario na Florin.

E KLM Aruba Marathon ta un careda oficialmente certificada pa e Association of International Marathons and Distance Races (AIMS) y the World Athletic Federation, sigurando su status como un careda di caminda internacional di primera categoria.

E organizacion ta desea un y tur un bon preparacion pa nan participacion den e di 8 edicion di KLM Aruba Marathon y ta premira di por traha hunto cu tur e partnernan y voluntarionan pa haci un evento hopi exitoso.



Cu hopi tristesa nos a ricibi e noticia di fayecimento di

*Raymond
Juni
de Kort*

Juni a drenta directiva di Stichting Arubaanse Muziekschool na 1993 y for di 2001 a fungi como Tesorero. Despues di mas di 31 año di servicio continuo y incansabel na favor di educacion musical na Aruba, el a tuma retiro na juni 2024.

Un danki di curason den nomber di henter e institucion pa su gran dedicacion.

Den e momentonan di duelo aki, nos ta expresa nos mas profundo pesame na Olga, yiunan y henter famia.

Cu Dios duna boso fortaleza y consuelo pa carga e gran perdida aki, y cu e bunita recuerdonan keda biba den boso curason pa semper.

Nos condolencia sincero.


Director: Carlos Bislip

Miembronan di Directiva

Personal y Alumnonan Stichting Arubaanse Muziekschool / Scol di Musica Rufo Wever

"Serca Dios so mi ta na paz,
ta di dje mi salbacion ta bini.
E so ta mi baranka i mi salbashon
Mi forti- nunca lo mi no tambalia."
Salmo 62

Cu profundo tristeza na nos curazon, pero hopi agradecido pa tur locual e la significa pa nos, Ta anuncia fayecimiento di nos tata, ruman, welo, bisawelo y omo stima:



Roberto Amado Solognier
Mihor conocí como "Dijs"
* 6 Juni 1947 - † 26 Mei 2026

Na number di su

Majornan: †Leonso y †Nicolina Solognier-Ridderstap

Yiunan: Shaila Solognier y Junior Peters

Yuraima Solognier y Alvin Buty Tromp

Danny Solognier y esposa Andrea Piedrahita Bedoya

Su nieto/nietanan stima: Joshue Solognier

Shairah Solognier y Reuben Vrolijk

Edjean Solognier y Jean-Pierre Maduro

Daleen Solognier

Daynie Maduro y familia

Su bisanietonan cu tanto ela stima:

Cairo Vrolijk

Nyjah Vrolijk

Damin Maduro

Su rumanan:

†Nicasio Solognier y Zoila Solognier-Barraza

†Carmen Solognier

†Fay y Shirley Solognier y familia

Ligia y †Harry Croes y familia

Leo y Mary Solognier y familia

Alberto (Beto) Solognier y juinan na Aruba, Hulanda y Colombia

Omaira y Ronald Kock y familia

Evelio (Pancho) y Mayra Solognier y familia

Alba Solognier y jui

Zoila y Junior Croeze y familia

Tur su sobrino y sobrinanan, primo y primanan, ihanan y demas famianan y conocirnan, su bon bisinanan, familia Angela, tur su amistadnan, Pastor Juancho Pilongo y tur su ex coleganan di King Casino, Holiday Inn Casino, Excelsoir Casino.

Famia: Solognier, Tromp, Peters, Piedrahita Bedoya, Flanegin, Maduro, Ridderstap, Croes, Kock, Thode, Lopez, Wever, Vrolijk, Croeze, Rasmijn, Anthony, Gonzalez, Hopmans, Briezen, Farro y Werleman.

Nos disculpa si den nos tristeza nos por a lubida un of otro familia.

Oportunidad pa Condolencia lo ta Diasabra, 30 di Mei 2026 na Ad Patres Funeral Home & Crematory na San Nicolas di 7'or pa 9'or di anochi.

Acto di entierro ta tuma lugar Dialuna, 1 Juni 2026, 2'or pa 4'or di atardi. E restonan mortal di Dijs lo ta reposa den misa Santa Teresita y después lo sali pa Santana Catolico na San Nicolas.

Staff y personal di Ad Patres Funeral Home & Crematorium ta extende nos mas profundo condolencia na familia di e fayecido.



AD PATRES
funeral home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Malea Lyme ta esun mas preocupante transmiti pa carpata y hasta por resulta fatal

ORANJESTAD (AAN) Lyme.

E preocupacion tocante e expansion di lugarnan unda ta detecta mas presencia di carpata, ta wordo difundi den diferente medio di comunicacion na nivel global, cu un enfoke principal riba e malea

Loke ta Lyme: Esaki ta un infeccion causa pa e bacteria "Borrelia Burgdorferi", cual ta wordo transmiti na e ser humano, door di e pica di carpata di pata preto infesta.

E malea ta wordo man-

ifesta den diferente etapa y e ta afecta diferente sistema di e curpa humano.

Den su etapa trempa, despues di e pica, e sintomanan ta presenta. E ta cuminsa cu un erupcion di cuero caracteristico, yama "eritema migratorio" cu tin forma similar na wowo di buey.

E pashent ta presenta keintura halto, cansancio pisa, calafrio, fatiga, dolor di cabes y dolornan muscular y di articulacion.

Den e siguiente etapa, cu por ya lunanan of añanan despues, si no ta wordo trata na cuminzamento, por causa inflamacion intenso den articulacionnan (Artritis), problemanan neurologico, paralisis facial of meningitis. Ademas por ocasiona alteracionnan di curazon (palpitacionnan fuerte y constante).

E tratamiento ta a base di antibiotico. Si e wordo detecta na tempo e recuperacion, generalmente, ta total y rapido. Si no preveni, y no ta wordo trata na tempo, por resulta fatal pa e pashent.

Prevencion: Ora di cana den mondi, of pasa meymey di hierba halto, ta recomendabel pa uza repellent, bisti paña pa cubri e cuero y cada bez revisa e curpa, den busca di carpata. Nan ta adheri facilmente na curpa. (Fuentenan consulta: Medicine Plus y Clinica Mayo).

Algun aña pasa, un artista y cantante Mexicano hopi famoso y aclama den e mundo di espectáculo, Thalia, a adkiri e malea aki danki na un pica di carpata. El a haya tratamiento pa tempo largo, y a pasa den duro pa sali for di e malea aki.

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trakil, Pa mi bolbe haña forsa"
Salmo:23

Cu dolor na nos curazon, pero conforme cu boluntad di Dios, nos ta anuncia fayecimiento inespera di nos ser stima:



Elisabet Elena Pimienta
Cariñosamente yama "Betty"

*13 Mei 1952 Aruba - †24 Mei 2026 Den Haag - NL

Na number di su:

Rumanan: Norma⁺ y Pedro⁺ Wernet-Pimienta

Judith y Orlando⁺ Arends-Pimienta

Lydia y Miguel Funez-Pimienta

Maria Elena Pimienta na Colombia

Ainere Pimienta na Colombia

Sobrina/o(nan): Mirlangela y Jairo Alegria-Wernet

Jeanine y Augustin Maduro-Wernet y familia

Orlando "Dito" Arends, Esposa y familia

Yanais J. Arends

Miguelito y Erica Funez-Arends y familia

Melvin y Giselle Funez-Rodriguez y familia

Luis Carlos "Lucho" y Mimi Dangond-Lobo y familia

Amparo Escobar y familia

Josefa y Ciro Maduro-Pimienta y familia

Demas sobrino/a (nan) na Colombia

Mescos cu yiu su Iha: Michael Linzey

Bon Amiga: Rosa Maria Costa De Jesus

Su primanan: Alba⁺ Arends yiunan y familia

Neida Simon yiunan y familia

Su primo: Encho Padilla yiunan y familia

Conforme Betty su deseo acto di cremacion lo tuma lugar na Den Haag – Hulanda, Diabierna 29 di Mei 2026.

Si ta desea di comparti palabranan di condolencia, por comunica na e siguiente email: famiapimienta@gmail.com

Pa chica Pos - Habri tubería y wc.
Servicio lihe y confiablel.
Experiencia ta manda
CICLONE
Septic Tank Service
Tel: 564-0607 / 734-0607

TA FURA
ELMA UPHOLSTERY
Matras, box busca mainta y
hay e atardi! Set di sala, tv
chair, sienta auto.
Tel: 565-5577
Macapruimstraat # 1L

CONSTRUCCION
REMODELACION
Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construccion di cas
y apto bon prijs. Free quotation.
Tel: 561-2137

TA CUMPRO
* Holoshi antigua y
moderno.
* Articulanon antigua.
Tel: 744-9995

PROMASTER
Pa laba tapijt, sofa,
tur matras.
99% desinfecta.
Tel: 582-0383 / 593-3538
Leslie Maduro

TA CHAPI
Chapi, haci cura limpi, corta
tur sorto di mata, tira yerba,
hasi coco limpi, hardineria pa
luna of quincena, irigacion.
Hiba sushi na dump.
CEL: 564-0703 BON PRIJS

SERVICES GARDENS
Maintenance by the month
and by week, trim all tree big
or small, with experience
since 2006.
We take all to Ecotech.
Call anytime: 593-8852

NOS TIN SERVICIO
Nos ta corta mata y
palmanan grandi
y peligroso. Ta haci
forma di mata tambe.
Tel: 592-1277

OPORTUNIDAD
Bo mester di **PLACA?**
Ta tempo pa vende bo cas of
tereno. Consejo **GRATIS** cu
JZ Realty. Bini serca nos pa un
coffie of Thee na O'stad.
Yama pa un cita 297-730-0077

AIRCO REPAIR SERVICE
Cooler, refrigerador,
freezer, ice maker, stove,
wasmachine, dryer.
Tur sorto di airco / forno.
Tel: 747-7987 / 749-4232
anytime.

DIARIO
Pa noticia, cumpleaños,
comentario, redaccion:
noticia@diario.aw
Tel: 582-6747

Plan di accion pa mantencion di veldnan deportivo ta sigui na veld di Calbas, Duracell y Grasshoppers



ORANJESTAD (AAN): Si-
guiendo e strategia pa un
maneho sostenibel di instala-
cionnan deportivo na Aruba,
Minister di Deporte, sra. mr.
Gerlien Croes, ta reafirma cu
e plan di accion pa mantencion
ta continua firmemente.
E prome trabounan pa e aña
aki a inicia cu mantencion in-
tegral di veld di Sabana Gran-
di, mientras cu trabounan
tambe a wordo implementa
na veld di Calbas, Duracell
y Grasshoppers, como parti
di un plan amplio pa mehora
y mantene infraestructura de-
portivo rond di nos isla.
E trabou ta wordo ehecuta

keda den condicion optimal
pa uzo di comunidad y de-
portistanan.
E plan pa 2026 ta construi
riba e base solido di e exito
alcansa den 2025, unda man-
tencion sistematico a resulta
den mehoracion concreto na
varios facilidadnan deporti-
vo.
Minister Gerlien Croes a en-
fatiza cu mantencion ta un
pilar esencial pa desaroyo
deportivo: "Mantencion ta
clave pa sostenibilidad. Nos
ta kere den deporte como
un instrumento di desaroyo
social y un estilo di bida sa-
ludabel. Infraestructura na bon



den colaboracion estrecho
entre Ministerio di Deporte
y Ministerio di Infraestruc-
tura, hunto cu Departamento
di Obranen Publico (DOW).
E ekiponan tecnico ta sigui
traha di forma structural y
periodico pa sigura cu veld-
nan y canchanan deportivo ta

condicion ta esencial pa logra
esaki. Nos ta comprometi pa
sigui traha cu transparencia,
planificacion y eficiencia pa
sirbi nos comunidad manera
e merece".
E continuidad di e plan ta
enfoca riba implementacion
di un sistema di mantencion
preventivo y periodico, ga-
rantizando un uzo responsabel
di fondo publico y maximal-
izando impacto positivo pa
comunidad y deportistanan.
Minister Gerlien Croes a
expresa su gradicimento na
DOW y na tur colaborador-
nan cu ta contribui na e es-
fuerzo aki, y a reafirma cu e
ministerio ta comprometi pa
amplia e programa di man-
tencion pa mas veldnan y fa-



cilidadnan deportivo durante
2026.
Cu e iniciativa aki, Gobierno
di Aruba ta sigui inverti den
un infraestructura deportivo
duradero, accesibel y di cali-
dad pa tur ciudadano.

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Señor, Bo conoce mi y bo ta comprende mi, Y bo sabi
tur cos mi ta haci, di leu bo ta comprende mi
pensamento. Bo sabi pakiko mi ta traha o sosega,
Bo conoce tur mi obranan.

A bula bay tempran serca señor

Ing. Albertina
"Tina"
Croes-Albertsz

*31-08-1966
†26-05-2026



Acto di entierio lo wordo anuncia despues.

Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Gradicimento

Na nomber di tur famia, nos ta gradici tur persona, cu di
un of otro manera a mustra atencion y a convivi cu nos
durante fayecimento y entierio di nos ruman stima:

Maria Inmaculada
Brokke



Boso sosten, presencia,
palabranan di consuelo a duna nos
forza pa acepta su despedida. Nos
ta gradici tur esnan cu a manda
krans, carchi, y tambe yamadanan
na telefoon, whatsapp y email.


Un danki di curazon na Pastoor Santiago pa celebracion di
despedida.

Na Max Hassel un danki grandi.

Tambe un danki special na su rumannan di Blue Army, na su
ex coleganan di CG United y tambe na Aurora Funeral Home
pa nan servicio excelente.

Alabes nos ta extende un cordial invitacion pa un Santo
Sacrificio di misa cual lo tuma lugar diasabra 30 di mei
2026 pa 7.00 or di anochi na Pro Cathedral na
Oranjestad.

Camacuri a bira escenario di e gran final di 'Aruba Bank Walk & Run 2026'



ORANJESTAD (AAN): Cu hopi entusiasmo y un ambiente yen di energia positivo, e cuater y ultimo dia di Aruba Bank Walk & Run 2026 a tuma luga ayera cu salida na Aruba Bank Camacuri Branch cu 2500 participante. Como parti di e celebracion

special di e di 20 edicion di e evento, e participantenan a wordo invita pa bisti nan "old Walk & Run merchandise", loke a crea un ambiente di recordacion di hopi aña di participacion. Durante e anochi, por a mira diferente t-shirt y merchan-

dise di edicionnan pasa, reflehando e historia y tradicion cu Aruba Bank Walk & Run a construi den comunidad durante dos decada. Grandi y chikito a reuni un biaha mas pa completa e ultimo trayecto, disfrutando di movimiento, compania y e

spiritu comunitario cu ta caracteriza e evento. Cu e clausura di e di cuater dia di caminata y coremento, Aruba Bank ta mira bek cu orguyo riba un otro edicion exitoso, gradiciendo tur participante, voluntario y partnernan cu a contribui pa haci

Aruba Bank Walk & Run 2026 un exito memorabel. Den e edicion di diasabra lo tin mas potret relaciona cu entregamento di premio cu tremendo ambiente di Groove Masters y DJ 101. Keda pendiente.

SUPERCARD SUPER DEALS



COMFORT
CLASS

Monday
Thursday

9.00 AWG

Friday
Sunday

10.00 AWG

IMAX

11.00 AWG

12.00 AWG

VIP

12.00 AWG

13.00 AWG

**BEST CINEMA AT
THE BEST PRICES!**

Sign up **online** or at any **The Movies**
location and **start enjoying great benefits!**

www.themoviesaruba.com

Directiva nobo pa Aruba Volleyball Association



ORANJESTAD(AAN): Recien durante un Reunion General di Miembrecia (ALV) sra. Rubinah Bernadina a keda eligi como e President nobo di Aruba Volleyball Association.

Sra. Rubinah Bernadina no ta un desconoci den e ramo deportivo y tabata un atleta di volleyball pa hopi aña.

E directiva nobo di Aruba Volleyball Association ta consisti di e siguiente miembran:

Vice Presidente, Relacionnan Publico y Mercadeo a bira Tamara Malmberg-Hamlet. Secretaria a bira sra. Fatme Faarup-Rigaud. Tesorero ta sra. Tricia Werleman.

Comisario pa Asuntonan General sra. Ludwina Perez, Comisario pa Volleyball di Sala sr. Anhelino Vrolijk, y Comisario pa Beach Volleyball y Cuerpo di Referees sr. Ramon Webster. Sra. Fi-

lomena Daniel-Curiel (ex-President) a keda nombra como Miembro Honorario di Aruba Volleyball Association.

Masha Pabien y tur clase di exito ta bay na e directiva nobo di A.V.A.

Riba e potret por mira d.r.p.d. Ramon Webster, Ludwina Perez, Fatme Faarup-Rigaur, Rubinah Bernadina, Tricia Werleman, Tamara Malmberg-Hamlet, y Anhelino Vrolijk.

Encuentro entre Prome Minister Mike Eman y escritor Hans Verbeek

ORANJESTAD (AAN): Durante su bishita oficial na Hulanda, Prome Minister mr. Mike Eman a reuni diahuebs merdia cu escritor y ex-periodista politico Hulandes Hans Verbeek, autor di e buki "De Vergeten Minister-President". Durante e encuentro, a intercambia pensamento riba historia politico, liderazgo y e importancia di preserva e legado historico cu a forma Hulanda y Reino Hulandes.

E buki "De Vergeten Minister-President" ta relata e bida y carrera politico di Gerrit Schimmelpenninck (1794-1863), e prome minister-presidente di Hulanda. E publicacion ta ofrece un perspectiva mas profundo riba e debate constitucional rond di 1848 y e rol cu Schimmelpenninck a hunga den e periodonan decisivo den historia politico di Hulanda.

Segun Verbeek, e buki ta busca amplia e comprension historico tocante e diferente visionnan politico cu tabata existi durante e tempo ey. Hans Verbeek, kende anteriormente



a traha como periodista politico na Den Haag y coresponsal den exterior, actualmente ta trahando p'e provincia Overijssel. Su investigacion ta basa riba diferente fuente historico y diplomatico cu no tabata uza anteriormente.

Como señal di aprecio durante e encuentro, Prome Minister Mike Eman a entrega Hans Verbeek un copia di e buki "Volk van Veerkracht" di Luc Alofs y Rene Zwart. E publicacion ta relata e historia di resiliencia, perseverancia y fortaleza di pueblo Arubiano, y ta muestra con Aruba a logra desaroya su mes identidad y capacidad pa supera diferente reto durante generacionnan.